


文苑英華

七百十四之廿三




序

庫	文	開	内
函	冊	號	類
10	100	3726	漢書

庫	文	開	内
函	冊	號	類
1	100	3726	漢書

内閣文庫	
番號	漢 3726
冊數	100 (72)
函號	361 53



綴じ部(喉部分)の文字など開きが不鮮明な箇所あり

苑英華卷第七百十四

詩集三

序十六
淺草文庫

追昔游集序一首

李賀集序一首

唐詩類選序一首

唐詩類選後序一首

周朴詩集序一首

唐風集序一首

禪月集序一首



顏上人集序一首

又玄集序一首

追昔游集序

李紳

追昔游蓋歎逝感時發於悽恨而作也或長句或五言或雜言或歌或樂府齊梁不一其詞乃由牽思所屬耳起梁漢歸諫署升翰苑承恩遇歌帝京風物遭讒邪播歷荆楚



涉湘沅踰嶺嶠荒陬止高安移九江泛五湖過鍾陵派荆
江守滁陽轉壽春改賓客留洛陽廉會稽過梅里遭讒者
再賓客為分務歸東周擢川守鎮大梁詞有所懷興生於
怨故或隱顯不常其言冀知者於異時而已開成戊午歲
秋八月

李賀集序

杜牧

太和五年十月中半夜時舍外有疾呼傳緘書者牧曰必
有異函取火來及發之果集賢學士沈公子明書一通曰
以亡友李賀元和中義愛甚厚日夕相與起居飲食杜集
且死嘗授我平生所著歌詩離杜集為四編凡二百二
三首數年來東西南北良為已失去今夕醉解不復得

杜集閱理篋帙忽得賀杜集前所授我者思理往

凡與賀話言嬉游一處所一物候一日一夕一觴一飯顯

顯焉杜集無有忘棄者不覺出涕賀復無家室子弟得以

給養卹問常恨想其人詠杜集其言止矣子厚於我與我

為賀集序盡道其所由來亦少解我意牧其夕不果以書

道其不可明日就公謝且曰世謂賀才絕出於前讓居數

日牧深惟公曰公於詩為深妙奇博且復盡知賀之得失

短長今實叙賀不讓必不能當公意如何復就謝極道所

不敢叙賀公曰子固若是是當慢我牧因不敢復辭勉為

賀叙然其甚慚唐杜集皇諸孫賀字長吉元和中韓

吏部亦頗道其詩詩雲烟絲聯不足為其態也水之迢迢

不足為其情也春之盎盎不足為其和也秋之明潔不足
為其清諸本也風檣陣馬不足為其勇也瓦棺篆鼎不足
為其古也時花美女不足為其色也荒國侈殿梗莽丘壠
不足為其恨怨悲愁也鯨吐鼉擲牛鬼蛇神不足為其虛
荒誕幻也蓋騷之苗裔理雖不及詞或過之騷有感怨刺
懟言及君臣理亂時有以激發人意乃賀所為無得有是
賀復能探尋前事所以深歎恨今古杜集作古今未嘗經道者
如金銅仙人辭漢歌補梁庾有吾官體謹求取情狀離絕
遠去筆墨畦逕間亦殊不能知之賀生二十七年死矣世
嘗曰使賀且未死少加以理僕奴文粹集本作奴僕命騷可也賀
死後凡十有五年京兆杜牧為其序

唐詩類選序

顧陶

音樂官采詩而陳於國者以察風俗之邪正以審王化
之興廢得芻蕘而上達明治亂而先覺詩之義也大矣遠
矣肇自宗周降及漢魏莫不政治以諷諭繫國家之盛衰
作之者有犯而無諱聞之者傷懼而鑒誠寧同嘲戲風月
取權流俗而已哉晉宋詩人不失雅頌正直言無避頗遵
漢魏之風逮齊梁陳隋德祚淺薄無能激切於事皆以浮
艷相誇風雅大變不隨流者無幾所謂亡國之音哀以思
王澤竭而詩不作吳公子聽五音知國之興廢匪虛謬也
國朝以來人多反古德澤廣被詩之作者繼出則有杜李
挺生於時群才大得而問疑其亞則昌齡伯玉雲卿千運

應物益適建况鵠當光義郊愈藉合十數子

李白杜甫王昌齡陳伯玉

孟雲卿沈千運常應物李益高適常建顧况于鵠楊當歸光義孟郊韓愈張籍姚合挺然頽波間得

蘇李劉謝之風骨多為清德之所諷覽乃能抑退浮偽流

艷之辭宜矣爰有律體祖尚清巧以切語對為工以絕聲

病為能則有沈宋燕公九齡嚴劉錢孟司空曙李端二皇

帝之流實繁其數

沈佺期宋之問張說張九齡嚴維劉長卿錢起孟浩然司空曙李端皇甫皇

甫皆妙於新韻播名當時亦可謂守章句之範不失其正

者矣然物無全工而欲篇詠盈千盡為絕唱其可得乎雖

前賢纂錄不少殊途同歸英靈間氣正聲南薰之類朗照

之下罕有孑遺而取捨之時能無少誤未有遊諸門而英

菁畢萃然卷而玷類全無詩家之流語多及此豈識者寡

者多實以體詞不一憎愛有殊苟非通而鑒之焉可盡

其善者由是諸集悉閱且無情勢相託以雅直尤異成章

而已或聲

上聲

流樂府或句在人口雖靡所紀錄而闕

疑作闕

切時病者此乃究其姓家無所失之或風韻標特譏興深

遠雖已在他集而汨沒於未至者亦復掇而取焉或詞多

鄭衛或音涉巴歛苟不虧六義之要安能問之也既歷稔

益篋搜奇畧罄終恨見之不緝無慮選之不公始自有唐

迄于近歿凡一千一百三十一首分為二十卷命曰唐詩

類選篇題屬興類一為伍而條貫不以名位卑崇年代遠

近為意騷雅綺麗區別有觀寧辭披揀之勞貴及文明之

代時大中景子之歲也

唐詩類選後序

前人

余為類選三十年，俾思耗竭，不覺老之將至今。大綱已定，勒成一家。庶及生，免負平昔若元相國稹、白尚書居易。

擅名一時，天下稱為元白學者。翁翁號元和詩，其家集浩

大不可彫摘，今共無所取。蓋微志存焉，所不足於此者，以

刪定之初，如相國令狐楚、李涼公逢吉、李淮海紳、劉賓客

禹錫、楊茂卿、盧仝、沈亞之、劉猛、李涉、李璆、陸暢、章孝標、陳

罕等十數公詩，猶在世及稍淪謝，即文集未行，縱有一篇

一詠得於人者，亦未稱所錄。僻遠孤儒，有志難就，粗隨所

見，不可殫論。終愧力不及心，庶非耳目之過也。近則杜舍

人、牧、許、鄂、州、渾、洎、張、祐、趙、嘏、顧、非、熊、數、公、並、有、詩、句、播、在

人口，身沒，纔二三年，亦正集未得絕筆之文。若有所別，為

卷軸附于二十卷之外，冀無見恨。若須待見全本，則撰集

必無成功。若但泛取傳聞，則篇章不得其美。已上並無採

摭，蓋前序所謂終恨見之不備者矣。唯歙州敬方，才力周

備，與比之間，獨與前輩相近。亡歿，雖近家集，已成三百首

中間錄律韻八篇而已。雖前後，更接或畏多言，而典刑具

存，非敢遐棄。又前所謂無慮選之不公者矣。嗟乎！行年七

十，有四一名，已成一官，已棄不懼勢逼，不為利遷。知我以

類選起序者，天也。取捨之法，二十通在，故題之于後云耳。

周朴詩集序

林嵩

顏子聖聲與日月而不盡，黔婁貧譽等江河而共存。嗚呼！

先貧俱足亦顏黔之流而能於詩惜哉不雍容於金馬門
 蹶踏宣尼戶乾符七丁闕城頌賊悲夫先生名朴字見素
 生於釣臺而長於甌閩與李建州類方處士干為詩友一
 篇一詠繪炙人口鸞鷲屈軼祥瑞皇家迂避而貧聾瞽不
 重高傲縱逸林觀宇宙視富貴如浮雲篋珪璋如草芥惟
 山僧釣叟相與往還蓬門蘆戶不庇風雨稔不杭歎不變
 晏如也詩人張為嘗貽先生詩曰到處只閉戶逢君便展
 眉閩之廉問楊公發李公誨中朝重德羽翼詞人奇君之
 詩召而不往或曰達察憐才而子避之何也先生曰二公
 憐才吾固不往苟或見之以吾之貧恐以攝假之牒見愁
 其亦接輿於陵未能加也松蟠鶴翅泥曳龜尾一立一趨
 乎天地先生為詩思遲盈月方得一聯一句得必驚人
 亦暇全篇已布人口有僧樓浩高人也與先生善拈拾先
 生遺文得詩一百首中和二年冬十月携來訪余且驚且
 喜余欲先生之文與方干齊集畢遂為之序小子以詞賦
 傳挂投疑作技文非所業但直舉其美文醜作者

唐風集序

顧雲

大順初皇帝命小宗伯河東裴公掌邦貢次二年遷者來
 隱者出異人俊士始大集都下於群進中得九華山杜
 鶴集序有人字杜荀鶴拔居上第諸生謝恩日列坐既定公揖生
 謂曰聖上嫌文教未多杜集作之未張思得如高宗朝拾遺陳
 公四字杜集作射洪作詩出繼杜集作沒二雅馳驟建安削苦

澀僻碎畧淫靡淺切破艷冶之堅陣擒雕巧之首師皆摧

撞杜集折角崩潰解散掃蕩詞場廓清文浸然後有戴容

州劉隨州王江寧率其徒揚鞭按轡相與呵樂來朝於正

道矣以生詩有陳體可以潤國風廣王澤固擢生以塞詔

意生勉為中興詩宗生謝而退次年寧親江表以僕故山

皆隱者出平生所著五七言三百篇見簡詠其雅麗清苦

杜集激越之句能使貪吏廉邪臣正父慈子孝兄良弟順

杜集人倫紀綱杜集備矣其壯語大言則决起逸發可

以左攬工部袂右拍翰林有吞賈喻八九於胷中曾不蕞

介或情發乎中則極思冥搜游泳杜集希夷形兀枯木

五聲勞於呼吸萬象悉杜集於抉剔信詩家之雄傑者也

杜集裴公之知人為不誣矣於戲旌別淑慝史臣之職也

僕幸得杜集為之叙錄杜集有乃分為上中下三杜集視其

人蓋尚壯才力未盡謳吟之興方酣俟其繼作得如周頌

魯頌者廣之為唐風集老而益精留次序十三字杜集作

景福元年壬子夏述

禪月集序

吳融

夫詩之作者善善則詠頌之惡惡則風刺之苟不能本此

二者韻雖甚切猶土木偶不生於氣血何所尚哉自風雅

之道息為五言七言詩者皆率拘以句度屬對焉既有所

拘則演情叙事不盡矣且歌與詩其道一也然詩之所拘

悉無之足得故意取非常語語非常意又盡則為善矣

國朝能爲歌詩者不少獨李太白爲稱首蓋氣骨高舉不
失頌詠風刺之道厥後白樂天爲諷諫五十篇亦一時之
竒逸極言昔張爲作詩圖五層以白氏爲廣德大教化主
不錯矣至於李長吉以降皆以刻削峭拔飛動文彩爲第
一流有下筆不在洞房蛾眉神仙詭怪之間則擲之不顧
邇來相敦學者靡漫漫淫困不知變嗚呼亦風俗使然君
子萌一心發一言亦當有益於事矧極思屬詞得不動關
於教化沙門貫休本江南人幼得苦空理落髮於東陽金
華山機神穎秀止于荆門龍興寺余謫官南行因造其室
每談論未嘗不了於理性自是而往日入忘歸邈然浩然
不知放逐之感此外商榷二雅酬唱循還越三日不
能來恨疎矣如此者凡若有半上人之作多以理勝
創新意其語往往得景物於混茫之際然其旨歸必合
於道太白樂天既歿可嗣其美者非上人而誰丙辰歲余
蒙恩詔歸與上人別袖出歌詩草一本曰西岳集後改曰禪月集
以爲盡矣竊慮將來作者或未深知故題於卷之首時已
未歲嘉平月之三日

顏上人集序

顏堯

顏公姓薛氏字茂聖少工爲五言詩天賦其才迥超名輩
堯同年文人故許州節度使尚書薛公字大拙以文人不
言其名擅詩一本作時名於天下無所與讓唯於顏公許待優
異每吟其警句常曰吾不喜顏爲僧喜有詩僧爲吾枝派

以增薛氏之榮耳性端靜寡合而價譽自彰名公鉅人爭
識其面余景福間為尚書郎故相國陸希聲為給事中一
日謂余曰顏公自荆門惠然訪我興盡而去無以贈其行
請於知交賦送別余亦勉為應命而莫之披覩也後數載
余罷自合江沿峽流而下至荆之日方遂疑闕二字閱其
篇章睹其儀相然後知師之盛名不虛得一作傳也向之送
別者自故太傅相國書政公而下凡四十三首余亦別為
一卷陸相國為序余繼忝清華荐兼史任宜以師之名字
書于文苑傳中緝編未遑漏畧是懼今且掇師之序于詩
集之前其五言七字詩凡四百篇以為儒釋之光余與師
同旋始將十稔始仰師為詩家之傑今與師為方外之期
知心言之無愧若師本教之行自為其徒所宗則非
愚儒之所敢知也光化三年孟夏序

同前

李詞

夫仁明至儉之君返淳覆邪懲嗜慾玩好俾奇侈捐隱異
資燬烈而不能致純玉而不用者蓋宗廟之彝器在貞達
和潤之全德也故和氏三刑而不死崑崗縱焚而不夷俾
受瑞者于今稱其美焉然則稱其美固亦久矣而知其美
之名者將在於何焉夫唯詩秦人焚之既燼益恬抑可對
於是而又大矣則今之人稱詩之美者亦久矣旨也將在
於何焉洎乎得其綱組一作紐序而明之則二南微隱之旨
行於世為百家宗旨者在乎序也詞讀左丘明傳素王微

文苑英華 卷一百一十五
旨則知懲勸之道教化之本周孔之標度盡在於詩矣顧
詩之言惡可容易而語乎釋門高德顏公尚為詩不入聲
相得失哀樂怨歎直以清寂景構成數百篇其音清以和
其氣剛以達妙出無象虛涵不為冷然若懸未扣而響信
其功之妙也不可得而稱矣信其旨之深也不可舉而言
矣於賦河漢蕩蕩而東人見其浮重載矣不知其所以浮
者何也雅頌郁郁而南人見其化夷俗矣不知其所以化
者何也吾師復不接於彼植於此其所以者何也詞常蒐
文獵儒乘丘索穴睹師之作異而序之不足舉師之美為
後人宗旨也

又玄集序

常莊

玄暉文集盈編止誦澄江之句曹子建詩名冠青
漢後之篇是知美稼千箱兩岐奚少繁絃九變大濩殊稀
入華林而珠樹非多閱衆籟而紫簫唯一所以擷芳林下
拾翠巖邊沙之汰之始辨辟寒之寶載雕琢方成瑚璉
之珍故知領下採珠難求十斛管中窺豹但取一斑自國
朝大手名人以至今之作者或百篇之內時紀一章或全
集之中微徵數首但掇其清詞麗句錄在西齋莫窮其巨
派洪瀾任歸東海揔其記得者才子一百五十人誦得者
名詩三百首長樂暇日陋巷窮時聊撼膝以書紳匪攢心
而就簡蓋詩中鼓吹名下笙簧擊鳧氏之鍾霜清日觀淬
雷公之劍影動星津雲間分合壁之光海上運摩天之翅

奔造化而雷雲湧起役鬼神而風雨奔馳但思其食馬留
肝徒云染指豈慮其烹魚去乙或至傷鱗自慙乎鼉腸易
盈非嗜其熊蹯獨羨然則律者既採繁者是除何知黑白
之鵝強識淄澠之水左太冲十年三賦未必無瑕劉穆之
一日百函焉能盡麗是知斑張屈宋亦有蕪辭沈謝應劉
猶多累句雖遺妍可惜而備載斯難亦由執斧伐山止求
嘉木挈瓶赴海但汲井泉等同於風月烟花各是其權梨
橘柚昔姚合所撰極玄集一卷傳於當代已盡精微今更
採其玄者勒成又玄集三卷記方流而目眩閱麗水而神
疲魚兔雖存筌蹄是棄所以金盤飲露唯採沆瀣之精花
界食珍但享醍醐之味非獨資於短見亦可貽於後昆採
華俟諸來者光化三年七月二日前左補闕書莊述

文苑英華卷第一百十五

序十七

詩序一

夏日諸公見尋訪詩序一首

入蜀紀行詩序一首 登秘書省閣詩序一首

崇文館宴集詩序一首 李舍人山亭詩序一首

送徐錄事詩序一首 送并州旻上人詩序一首

晦日樂園詩序一首 群官尋梅隱君詩序一首

宴皇甫兵曹宅詩序一首

送東海縣尉詩序一首 樂府雜詩序一首

宴梓州南亭詩序一首

七日綿州泛舟詩序一首

文苑英華卷一百十五

揚明府過訪詩序一首

宴鳳泉石翁神祠詩序一首

初春松圭峯送益府寶參軍宴詩序一首

洪崖子鸞鳥詩序一首

送工部尚書弟赴定州詩序一首

送毛明府詩序一首 會諸友詩序一首

夏日諸公見尋訪詩序 王勃

天地不仁造化無力授僕以幽憂孤憤之性稟僕以耿介
不平之氣頓忘山岳坎坷於唐堯之朝傲想煙霞顛領於
聖明之代情可知矣賴乎神交勝友得山澤之蚪龍隱路
君降雲霄之鸞鳳揚公沈公行之者仁義禮智用之者

利玄經苦而白鳳翔素牒開而紫鱗降金門待
天子於朝廷石室尋真訪下官一作客於丘壑幽人待士

非無北壁之書隱士迎賓自有西山之饌席門蓬蒿竹高
士之來游叢桂幽蘭喜王孫之相對山南花園澗北松林

黃雀至而清風生白鶴飛而蒼雲起停琴綠水仲長統之
歡娛置酒清山郭子期之賓客足可銀鈞人探一字四韻

成篇

入蜀紀行詩序

前人

總章二年五月癸卯余自常安觀景物于蜀遂出褒斜之
隘道抵岷峨之絕徑超玄谿歷翠阜迨彌月而臻焉若乃
採江山之俊勢觀天地之奇作丹壑爭流青峯雜起陵濤

鼓怒以伏注天壁嗟峨而橫立亦宇宙之絕者也雖莊周
詫呂梁之險韓侯怯孟門之俊曾何足云蓋登培塿者起
衡霍之心游滄澗者發江湖之思况乎躬覽勝事足踐靈
區烟霞為朝夕之資風月得林泉之助嗟乎山川之感吞
多矣余能無情哉爰成文律用宣行唱編為三十首投諸
好事焉

登秘書省閣詩序

楊盈川

若夫麒麟鳳凰之署三臺四部之經周王群玉之山漢帝
蓬萊之室觀星文而考南北大象入於機衡披帝冊而質
此神負圖出於河洛司先王之載籍掌制書之典謨劉向
研楊雄寂寞之士於茲翰墨馬融該博傳毅文章之術
此為游處莫不出言斯善有道則尊黼黻其德行瑰璋其
事業心同匪石達人千載之交手握靈珠文士一都之會
陶泓集作陰寡務紬素多閑命蘭芷之君子坐芸香之秘閣
徒觀其重欄四絕閣道三休紅梁紫柱金鋪玉碼平看日
月唐都之物候可知坐望山川裴秀之輿圖在即虹蜺為
之回帶寒暑由其隔濶豈直崑崙十二瀛海千尋西州有
百尺之樓東國有千秋之觀于時五行金王八月秋分風
生閭闔之門日在中衡之道煙雲悽慘白露下而四郊空
林野蒼茫青天高而九州迴登山臨水無非宋玉之詞高
閣連雲有似安仁之典列芳饌命雕觴扼腕抵掌劇談戲
笑假使神仙可得自為松喬富貴在天終輕許史間之以

傳奕申之以詠譎陶陶然樂在其中矣登高而賦群公陳
力於大夫聞善若驚下走自強於玄晏輕爲序引綴在辭
章

崇文館宴集詩序

前人

天下之器也神立貳者所以經其化聖人之寶也大建儲
者所以贊其庸易所謂照於四方禮所謂貞於萬國皇家
以中樞北極清都有天子之宮儲后以大火前星蒼震有
乾男之位因心也孝常問安於寢門行已也恭每不絕於
馳道有父子君臣之道焉有夏干冬羽之事焉於是發德
音降明詔封紫泥於璽禁傳墨於銀書齒于成均所以
爾其長幼通於博望所以昭其實客東方曼倩之文史郎
之簡才論奏者八人同赤鳥之下士莫不縉紳舊德縫掖
名儒衣簪拜高闕之門驂駕陪直城之路琢磨其道玉質
而金相黼黻其詞雲蒸而電激琴書暇景風月名辰周旋
揖讓觀禮儀之溢目合巽離堅聞辯論之盈耳八珍方饌
寒溫取適於四詩一獻雕觴賓主交懽於百拜爾其清垣
繚繞丹禁逶迤魚鑰則環鎖晨開雀牖則銅樓旦闕周廬
綺合解署星分左輔右弼之宮此焉攸集先馬後車之任
於是乎在顧循庸菲濫沐恩榮屬多士之後塵預群公之
未坐聽笙等於比里退思齊國之音觀瓌寶於東山自耻
燕臺之石千年有焉咸蹈舞於特康四坐勿誼請謳歌於

帝力小子狂簡題其序云

李舍人山亭詩序

前人

永嘉有高陽公山亭者今為李舍人別墅也廊宇重複樓臺左右煙霞棲梁棟之間竹樹在洲汀一作汀洲之外龜山對出背東武而飛來鶴阜相臨向東吳而不進青溪數曲赤巖千丈寥廓兮惚恍似蓬嶺之難行深邃兮耿然若桃源之失路信可謂赤縣幽棲黃圖勝景從來八子闢高陽之邑居今日四郊逢舍人之置驛故知樊家失業遂作庾公之園習氏不游終成濮陰之地其人也凝脂點漆瓊樹瑤林學富文史言成準的葭苒為漢帝之親凡蔣是周公之裔田孟嘗之待客照飯無疑孔文舉之邀權樽中自溢三事隙五日歸休奏金石而滿堂召琳琅而觸目心焉醉德焉而飽大隱朝市本無車馬之喧不出戶庭坐得雲霄之致於是乎百年無幾萬事徒勞唯談笑可以遣平生唯文詞可以陳心賞既因良會咸請賦詩雖向之所歡已為陳迹俾千載之下感於斯文

送徐錄事詩序

前人

徐學士風流倩容貌堂堂汝南則顏子更生洛下則神人重出書有萬覽之者實符於鄭玄州有九游之者頗類於斑固懷岐嶠之舊迹想江漢之遺風粵在於永嘉元年孟夏四月始以內率府錄事出攝蒼溪縣主簿同彼漆園之莊周聊居賤職異乎安定之梁竦不憚勞人駢驂而欲

行紛紜而戒道是日也鶴鳴于野龍昇于天詩成流火之
文易占清風之卦聖主以叶時同律義在於省方皇儲以
守器承祧任隆於監國留臺務靜博望時閑於是久敬之
善交平生之故友臨御溝而帳飲就離亭而出宿居成別
易坐覺悲來平原二客追子高而已遠河上諸公餞林宗
而有慕兩鄉風月萬里江山脩路為下泣之思長天非寄
愁之所何以劇疑作我戒之必軾何以贈行上路不拜孫
子荆傾國之送豈若是乎潘安仁金谷之篇蓋於思一作
矣

送并州旻上人詩序

楊盈川

三元日月不能改改望之期四序炎涼不能移變通之
變乎人生天地嶽鎮東西良時美景始雲蒸而電激臨水
登山忽風流而雨散道之常也復何言哉是旻上人天骨
多奇神情獨王法門梁棟豈非龍象之維晉國英靈即是
河汾之寶道尊德貴所以名稱並聞盡性窮神所以身心
不動徧觀天下暫游城闕劉真長之遠致雅契高風習鑿
齒之宏才深期上德芝蘭一面暫悅新知齒棘連城將游
舊府鷄山法衆餞行於素漣之濱勝閣良朋祖送於青門
之外是日也河山雨氣原野秋陰風烟淒而禁籟寒草木
落而城隍晚雲中振錫有如鴻鵠之飛水上乘杯更似神
仙之別左右為之蒐動金石由其色變恒山岱岳看寶鼎
於風雲帝里神州對長安於白日兩鄉綿邈何當惠遠之

游千里相思空有關山之望群賢僉議咸可賦詩題其巖
里編之簡牘

晦日藥園詩序

前人

天下皆知禮之爲貴用周旋揖讓之儀天下皆知樂之爲
盛節金石絲簧之變是則忠信之薄飾容貌於矜莊風俗
之微陶性靈於歌舞殊不知達人君子遺形骸於得喪之
機心照神交混榮辱於是非之境非若諸公者大夫之相
知也以爲煙霞可賞歲月難留遂欲極千載之交歡窮百
年之樂事莫不如珪如璋令聞令望濟濟鏘鏘同會於文
場者也于時丁丑之年子孟春之晦歲陰入於星紀斗柄臨
巖析木衣冠雜沓出城闕而盤游車馬駢闐俯河濱而
飲乃有神州福地上藥中園左太冲所云當衢向術清晏
仁以爲面郊後市九莖仙草搃八卦之祥風四照靈葩滋
三危之寶露豈直帝神農旋赤鞭而驅毒崔文子擁朱幡
以救人山圖採之而得道姮娥竊之而奔月若斯而已哉
加以回溪漱石茂林脩竹澹風日之透迤妙山泉之體勢
然後芳杜若藉芝蘭高論參玄飛觴舉白凡我良友同聲
相應心冥寵辱推富貴於皇天事一窮通任運隨於大命
若使適情知足則玉帛子女爲伐性之源達變通機則尊
官厚祿非保全之地所以列坐羲皇之代安歌帝堯之力
陽光稍晚高興未闌請諸文會之游共紀當年之事凡厥
衆作列之於後

群官尋楊隱居詩序

前人

若夫太華千仞長河萬里則吾土之山澤壯於域中西漢
 十輪東京四代則吾宗之人物盛於天下乃有渾金璞玉
 鳳戢龍蟠方圓作其輿蓋日月為其高牖天光下燭懸少
 微之一星地氣上騰發大雲之五色以其不貪為寶均珠
 玉以咳唾以無事為貴比旂常於糞土諸侯不敢以交游
 相得三府不敢以辟命相期與夫形在江海心游魏闕跡
 混朝市名為太隱可得同年而語哉天子巡於下都望於
 中嶽軒皇駐蹕將尋大塊之居堯帝省方終全潁陽之節
 群賢以公私有暇休沐多閑忽乎將行指林壑而非遠莞
 爾而笑覽煙霞而在矚登峽北踐莓苔阮籍之見蘇門止
 而盧敖之逢高士詎識為有憶桑海而無時問桃源
 之易失寒山四絕烟霧蒼蒼古樹千年藤蘿漠漠誅茅作
 室挂席為門石隱磷而環階水潺湲而匝砌乃相與旁求
 勝境遍窺靈跡論其八洞實唯明月之宮相其五山即是
 交風之地仙臺可望石室猶存極人生之勝踐得林野之
 竒趣杯浮若聖已茂松喬清論疑神坐驚河漢游仙可致
 無勞郭璞之言招隱成文敢嗣劉安之作

宴皇甫兵曹宅詩序

前人

皇甫君冠冕於安定李校書羽儀於隴西岑正字明目於
 漢南石宮坊指疑作抵掌於河朔高侯邦之司直下走齊之
 濫吹若夫風雲龍虎水火陰陽隔千里而應之莫不潛契

於同聲矣聖明千載區宇一家掩八紘以得之莫不高會
於中京矣是日入聲也河圖適至海鯨初死五嶽四瀆漢皇
帝崇其望祀一日三朝周天子展其莊敬君臣慶色朝野
歡心玄晏先生開甲第而留賓二三君子赴龍門而廣讌
陰雲已墨肅氣彌高霜寒萬里之園冰納千金之水面郊
後市即為潘岳之居累代通家咸言李膺之客百年何計
相知在於我心四海何求為樂止於名教抽毫進牘皆請
賦詩日暮途遠聊裁序引

送東海孫尉詩序

前人

東川孫尉文章動俗符彩射人官裁下士宣大夫之三德
運偶上皇作東南之一尉庸才擾擾流俗喧喧談遠近為
琴差叙中外為優劣殊不知三元合朔九州同軌蓬瀛可
訪還疑上苑之中日月不占更似靈臺之下彼其之子未
為後時凡我友朋無勞疑別徒以士之相見人之相知必
欲軒蓋逢迎朝游夕處亦常烟波阻絕風流雨散去矣孫
侯遠離隔矣但當晨看旅鴈君逢繫帛之書夕望牽牛余
候乘槎之客未能免俗何莫賦詩綴集衆篇列之如左

樂府雜詩序

盧照隣

聞夫歌以詠言庭堅有歌虞之曲頌以紀德奚斯有頌魯
之篇四始六義存亡播矣八音九闕哀樂生焉是以叔譽
聞詩驗同盟之成敗延陵聽樂知列國之典彛王澤竭而
頌聲寢伯功衰而詩道缺秦皇滅學星瑄千年漢武崇文

市朝八變通儒作相徵博士於諸侯中使驅車訪遺編於
四海發詔東觀縫掖成陰獻書南宮快鉛躡武王風國詠
共驪翰而升沉里頌途歌隨質文而沿革以少卿長別起
高唱於河梁平子多愁寄遙情於壘坂南浦動關山之役
作者悲離東京興黨錮之誅詞人哀怨其後鼓吹樂府新
聲起於鄴中山水風雲逸韻生於江左言古興者多以西
漢爲崇議今文者或用東朝爲羨落梅芳樹共體千篇隴
水巫山殊名一意亦猶負日於瑤狐之下沉螢於燭龍之
前辛勤逐影更似悲狂罕見鑿空曾未先覺潘陸顏謝
迷津而不歸任沅江劉來亂轍而彌遠其有發揮新題孤
音代之前開鑿古人獨步九流之上自我作古粵在茲
平樂府者侍御史賈君之所作也君升堂入室踐龜字以
長驅藏翼蓄鱗展龍圖以高視林宗一凡許以王佐之才
士季相看知有公卿之堂函國蛟龍之耀下觀詞鋒東家
科斗之書來游筆海朝陽弄翻即踐中京太行雷耳先鳴
上路當赤縣之樞鑰作高臺之羽儀動息無格於溫仁顛
沛安由乎正義王伏奏謹依汲冢之聞銅術埋輪先定雍
門之罪霜臺有暇文律動於京師繡服無私錦字飛於天
下九成宮者信天子之殊庭群仙之一都也五城既遠得
崑閬於神京三山已沉見蓬萊於古輔紫樓金閣雕石壁
而饒群峯碧甃銅池俯銀津而橫衆壑離宮地險丹磗四
周微道天迥翠屏千仞衛尉寢蒙茸之署將軍無刁斗之

警中巖罷煥飛霜爲之夏疑大谷生寒層淮以之秋五天
子萬乘驅鳳輦於西郊群公百僚扈龍軒而北輔春秋絡
繚冠蓋蒲於青山寒暑推移旌節喧於黃首夕宿鷄神之
野朝登鳳女之臺青鳥時飛白雲無極千年啓聖邈同汾
水之陽七日期仙願類緱山之曲經過者徒知其美揄揚
者未歌其事恭聞首唱遂屬洛陽之才俯視前脩將麗長
安之道平恩公當朝舊相一顧增榮親行翰墨之林光標
唱和之道於是懷文之士莫不嚮風靡然動麟閣之雕章
發鴻都之寶思雲飛綺札代郡接於蒼梧泉湧華篇岷波
連於碣石萬殊斯應千里不遺同晨風之鳴北林似秋水
之歸東壑洋洋盈耳豈徒懸魯之音郁郁文哉非復從周
之說故可論諸典故被以笙鏞爰有中山卽徐令雅好著
書時稱博物探亡篇於古壁徵逸簡於道人撰而集之命
余爲序時褫巾三蜀歸卧一丘散髮書林狂歌學市雖江
湖廓朗賓庶蕭條綺季留侯神交髣髴遂復驅偏幽憂之
疾經緯朝廷之言凡一百一篇分爲上下兩卷俾夫舞雩
周道知小雅之歡娛擊壤堯年識太平之歌詠云爾

宴梓州南亭詩序

前人

梓州城池亭者長史張公聽訟之別所也徒觀其巖嶂重
復川流灌注雲窓綺閣負綉堞之逶迤澗戶山樓帶金隍
之繚繞信巴蜀之奇制也時鳳宸多閑上得和平之政鯁
瀛有截下無交爭之人以公寄切上僚故久無州將連四

千石之重任揔十萬井之雄斑職逾劇而道彌高位逾崇
而德彌廣市獄無事時狎鳥於城隅邦國不空且觀漁於
濠上賓階月上橫聯蜃之桂枝野院風歸動蕨蕤之萱草
則有明珠愛客置芳酒於十旬羽服神交契仙游於五日
圓潭寫鏡光浮落日之津雜樹開帷彩綴飛煙之路藤蘿
杳藹挂疎陰以送秋鳧參差結流音而將夕百年之歡
不再千里之賀何嘗下客悽惶暫停歸轡高人賞翫豈輟
斯文咸請賦詩六韻成章云爾

七日綿州泛舟詩序

前人

諸公迹寓市朝心游江海訪奇交於千里惜良辰於寸陰
常恐辜負琴書荒涼山水於是脫屣人事鳴棹川隅言適
之不用下車牛之賞邊生經筵送炎氣以擢纒
變臨秋光而曝背似遇緱山之客還疑星漢之游願駐
景於青天想乘霓於縮地繁絲亂響涼耐時斟戲翔羽於
平沙釣潛鯉於曲浦乘流則逝不覺忘歸咸可賦詩探韻
成作

楊明府過訪詩序

前人

夫清風動駕謁阮籍於山陽素雪乘舟訪戴逵於江路猶
名高好事迹標良史未有鶯臨綺月筵開許郭之談花聚
繁門枉繁荀陳之馭泛煙光於紫歛翻露色於丹滋亭臯
一望平蕪千里萋萋芳草童兒牧馬之場疊疊朝川野老
休牛之塔釣臺隱隱先生之桑梓可知茨嶺巖巖隱士之

風流尚在豈使臨邛樽酒歌賦無聲彭澤琴書田園寢詠
其詩
不錄

宴鳳泉石翁神祠詩序

前人

夫圮上黃公靈期已遠湘中玄乙化跡難徵况乎神理巋
然近帶青溪之路瓌資可望俯控丹巖之下予以歸骸空
谷言隔市朝濯髮長川載雁寒暑心灰兩寂長無具爾之
歡形木雙枯將有終焉之志不悟喬鶯始嚙啗啗於鵲鷓
野萼初開蕪蕪於棠棣命壺觴而引宴即沐新蘭尋礪戶
以安歌仍攀野桂萋萋春草王孫游兮不歸秩秩斯干幽
人去而忘返鼓我舞我脩袖蒲於中巖神之聽之多祐興
小綱石爰有嘉命咸遣賦詩請題四韻列之如右

初春於圭峯

集作 邪嶺 送益府實參軍宴詩序

駱賓王

分首三秦

集作 春非 送歸君

千里青天

集作 山

白日非舊國之

春秋玉笋金樽

集作 翠 是 金樽

是他鄉之杯酒况復圭峯南望切

登高之情渭水北流動臨川之歎于時寒光將歇春景未
華殘雪飄花猶開六出輕冰涵鏡未解三川晨風軫孫楚
之情岐路下楊朱之淚雖載言載笑賞風月於離前而一
詠一吟寄心期於別後詩言志也可不云乎

洪崖子鸞鳥詩序

陳子昂

鸞鳥篇者晉人洪崖子之所作也洪崖子遁我玄魁責其
默行矯迹汾水習隱洛陽乘白驢衣羽褐游朝市之際雜

縉紳之間時人或將襲其青牛師劑子訓之陳迹也常以
翠鸞時棲明王之瑞君子獨立矯世之方於是和墨澹情
灑翰得意寄孤興於露月沉浮標於山海乃集瑤圖洗
池翩翩然又以自得也時尚輦奉御梁國喬備聞其風而
悅之乃刻羽引集作商集作飛集作毫揆牘扣歸昌之律叶韻
陽之音率諸君子屬而和之者十有五子集無余始未集
末知夫洪崖也喬子慕義命余序之凡若干首

送工部尚書弟赴定州詩序

張說

宵旰天子送冬卿之詩也河朔愆歲恒陽俟英華作牧借侯非

威六言導俗千里俾乎列城遷仰上之化隣境蒙波及之

澤不然者豈一人郡而勞大賢哉尚書河東侯朝廷

也操法度於掌程運陶鈞於方寸是將敷皇惠塞谷

德而知暄暢君恩疲人飲德而自飽蘇其摘瘁樂我陽和

元宗殿國亦望於此于時春帶餘寒野銜殘雪太官重味

御酒百壺供帳臨岐假絲竹以留宴傾城出餞會文章以

寵行三台厚常察之意八座深聯事之矚既而離人遽起

班馬爭嘶尋太行之遠集作山想邯鄲之長陌雖仰瞻鴻

鴈來往易於前期而相對桑榆遲暮難於遠別送歸之地

歡恨集作如何應制華篇凡若干首鸞翔鸞鳳欲挂千金

之木糾合虬集作蛟集作龍附藏群玉之府置之懷袖以慰遐心

送毛明府詩序

前人

云爾

之謂良宰者講道議行訓俗式人出自郎官遷登郡守

以才限流品位迂寵賄

集作略

聖曆之際任賢稽古毛明

德不回發言無擇雍容文雅罷曲池

集作江

之曳裾樽

酒絃歌即平鄉之製錦甲朝辭洛宴別嘉賓孟夏涉河路

踐芳草春彼燕趙頃罹戎羯金革毒三北之師杼軸醜二

東之賦毛公將勝苛居簡止濁除濫

集作徐清

不下堂而為理

有人境而先歎朋知坐間弦望何時益賦金谷之詩遠送

邯鄲之陌愛而不見同夫樹萱

會諸友詩序

前人

谷子者昔與說聯務蓬山出入三載事志相得情深友于

寸屬吾人秩集作

遷迫吏畿劇愛而不見春也再

集作載

今說復謝書坊補他職窮後之意不

集作無

擇儒林喜且把

總舊筵解帶餘日卧玩文墨笑談平生茲歡豈多後面方

未沉沉春雨人亦淹留

詩序二

雲母泉詩序一首

登頭陀寺東樓詩序一首

泛沔州城南郎官湖詩序一首

顧著作宣平里賦詩序一首

晚春崔中丞林亭會集詩序一首

賀蘇常二孫使君隣郡詩序一首

周公瑾墓下詩序一首 游雲門寺詩序一首

鄂州何大夫創製夏亭詩序一首

牟子堂各賦一物詩序一首

常賓客宅宴集詩序一首

秦徵君校書與劉隨州唱和詩序一首

蕭侍御喜陸太祝自信州移居洪州玉芝觀詩序一

首

崔衛二公同任渭南縣尉日宿天長寺唱和詩序一

首

暮春陪諸公游龍沙熊氏清風亭詩序一首

吳尊師華原露仙館詩序一首

雲母泉詩序

李華

石山俗謂之墨山山南有佛寺寺倚松嶺松

泉出石中引流分渠周遍庭宇發源如乳

大旱不耗自墨山西北至石門東南去東陵廣輪

墨盡生雲母牆階道路燦燦

一作烟烟如列星井泉溪澗色皆

純白鄉人多壽考無癘瘡疥搔之疾華深樂之穎川陳公

天寶中與華同為諫官公性與道合忽於權利方挂冠投

簪顧華以名山之契乾元初公貶清江丞移武陵丞華貶

杭州司功恩復左補闕上元中俱奉詔徵公自清江至武

陵道路多虞詔

一作書不至華沂江而西次于岳陽江山

延望日夕相見

二字一作思與高賢共飲雲母之泉躬耕

墨山之下敢違朝命以徇私欲秋風露寒洞庭微波一聞

猿聲不覺涕下况支離多病年齒

甫始衰願藥餌

扶壽以究無生之學事乖志負火爇予心寄懷此篇亦以

書予一作公之志也次有古詩茲不具載

一作皆唐文粹

登頭陀寺東樓詩序

前人

侍御常公延安威清江漢舅氏員外象名高天下賓主相持疑賢乎哉王師雷行北舉幽朔太尉公分麾下之旅付帷幄之賓與前相張洪州夾攻海寇方收東越夏首地當郵置吉語日聞喜氣填塞於江湖生人鼓舞於王澤頭陀古寺簡棲遺文境勝可以澡濯心靈詞高可以繼聲金石二大夫會臺寺之賢携京華之舊十有餘人燦如瓊華輝動江甸涉金地登朱樓吾無住心酒亦隨盡一作爭將以斗鬪辨衡巫於點黛指洞庭於片白古今橫前江下茂樹方

泛河州城南郎官湖詩序

李白

乾元歲秋八月白遷於夜郎遇故人尚書郎張謂出使夏口沔州牧杜公漢陽宰王公觴于江城之南湖樂天下之再平也方夜求月朗集作方夜水月如練清光可掇張公以殊有勝槩四望超然乃顧白曰此湖古來賢豪游者非一而在踐佳境寂寥無聞夫子可為我標之嘉名以傳不朽白因舉酒酌水號之曰郎官湖亦由鄭圃之有僕射陂也席上文士輔翼岑靜以為知音集作言乃命賦詩紀事刻石湖側將

與大別山共相磨滅焉

顧著作宣平里賦詩序

劉太真

宣平里環堵之宅嘉木垂陰疎篁孕清友生顧君寓之所也前相國宜城伯夏官卿博陵公陳蓬州藏用上人賢顧君而訪之鄙夫與焉披襟嘯風境邈神王孰炎暑焉知市朝吾君則超然如在天壇華頂之上意喬松可得而友也乃賦六言詩以紀會既明日屬文之士翕然而和之八音鏗其盈耳環堵爛而溢目舉國傳覽以為盛觀太真獲因首唱不敢遺繼之美

晚春崔中丞林亭會集詩序

梁肅

忘充則體和道勝則境靜集作擗常理也前左馮翊崔公

事故無江湖

集作

而閑春池始平芳草如織乃啓虛館

延群賢鳴琴濁酒以侑談笑攀英翫華以賞景物脩竹蒲

塵

集作

以環合紫藤垂旒

集作

以縈結地有滄州之趣鳥

無城郭之音信上智之高居人間之方外者也于時衆君

子飽公之和惜日不足顧相謂曰夫養正在我叙位在時

今朝庭虛老更之席以待園綺公實舊德行將論道不暇

焉可悔而息乎蓋詩可以興可以群蓋歌詠之以志斯會

且用祝公以君子萬年受茲介福焉爾

賀蘇常二孫使君鄰郡詩序

前人

古之厚風俗美教化必播於歌詠垂於無窮故風有二南

之什傳稱兄弟之政其事尚矣二孫鄰郡詩者前道州刺

史李萼賀晉陵吳郡伯仲二守之作也二公脩懿文之烈

戒變魯之政地無夾河之阻人有同舟集作之樂抑近古

未之有也故道州詩而美之屬而和之者凡三十有七章

溢集作於道路蓋云盛矣初伯氏用雅度碩書掌柱下史

亦書集作出擁麾幢四領江郡仲氏以茂學達才由尚書郎貳

京兆守上饒與元貞元間偕以治行聞天子器之於是仲

有吳苑之寄伯氏受晉陵之命自慶丑極切又亭以東禦兒

以北面五湖負大江列城十二縣環地二千里政教集作

同和風雨同節禮讓同俗熙熙然有太平之風每歲土膏

將起場功集作向畢二公各約車輿集作將命者十數人

不集作里勞之斯斯喻之斯藏民樂其教且飽其利

邊豆觥集作學辰友愛於交集作壤之次綽綽怡怡有

裕有集作歡二邦之人於斯觀德焉謂之榮矣本夫集作

詩人之志有四焉美其德美其位美其政美其鄰信可以

編諸唐雅昭示後學豈止於塗歌里誦遐邇悅慕而已肅

掌辱二公之眷謹序篇首庶采詩者得之陳於太師以知

其風

周公瑾墓下詩序

前人

昔趙文子觀九原有歸歎之歎謝靈運適集作宋方興墓

下之作或懷德異世或感舊一時而清詞雅義終古不歇

十三年春子與友人歐陽仲山旅遊於吳里巷之間有墳

歸然問於人則曰吳將軍周公瑾之墓也予嘗覽前志壯

於瑾之業歷于集作遺墟想公瑾之神息駕而弔徘徊不

能去昔漢綱既解當塗方熾利兵南洋江漢失險公瑾嘗

用寡制衆挫強為弱燎火一舉樓船灰飛遂乃張吳之臂

壯蜀之趾以魏祖之雄武披攘躑躅救死不暇表彥伯贊

是功曰三光三分宇宙曩隔富哉言乎於是特彌遠而氣

集作益振世逾往而聲不滅有由然矣詩人之作感於物

動於中六字集作感於物象發於詠歌形於事業事之傳者其辭盛

志之大者其感深故仲山有過墓之行廓然其慮繁乎

文可以窺盤桓居貞之道梁父蘭吟之意凡有和者當

於斯文集作

游雲門寺詩序

上德與集作汗漫為友無江海而閑其次則仁智相從有

山水為樂故合志同方賢者有崇桑之隱游道同趣吾徒

為雲門之會其造適一也先會一日沙門釋去誼命我友

相與探玉笥上會稽然後沂若耶過鳳林而南意欲脫人

世之羈鞅窮林泉之遐奧於是捨舟清澗反策閑原遞杳

講而歷嶮嶮入深翠以泛廻環遂至於集無雲門觀其群

山疊秀集作奏望拔起五峯嶢嶢列壑沉沉上摩碧落旁

湧金界其下則百泉會流蓄為澄潭涵虛鏡徹鳴集作瀨

玉漱冷冷之聲與地籟唱和不待笙磬而五音迭作眺聽

之集無不足則疑思冥息况焉疑諸天樓觀列在咫尺集

步庭衢之中別有日月既而動步真境坐聆法音合漆園
一指之論詰淨名無住之本萬累集作慮如洗日骸坐空視

松喬為弱喪輕世界於棗葉蓋道由境深理自外獎故也

昔之遠公紀廬山謝客題石門道流勝賞今古一貫曷可

不賦貽雲山羞乃各為詩以志斯會同乎道者有隴西李

公受高陽齊霞舉約會未至亦請同賦此篇用廣夫游衍

之致云 坐聆 遊本文粹 作靜聆 之論 文粹作

鄂州何大夫創製夏亭詩序 符載

豐城有神劍非司空無以發沉塞揚光彩為天下之重寶

江夏有善地非亞相無以起雄峙作亭榭為天下之至勝

極必盈晦極必明開物之務繫於賢者此自然之理也

先是郡中寺曰頭陀名與碑並登臨 鍾萃大雲氣色下配

礪石公政教既備游心佛寺慨此頽落乃沛然而張之聳

阿閣矗長檻嚴像設戲臺塔凡所相好皆昇新也方務剪

伐用探勝會一時景吝疑值其心架入意謂粹絕余將獲

之迺緣後殿穿窈窕出乎蒼莽之巔果有實境待我而啓

萬古不偶今為知音通塞之際若有感也觀乎經營之初

也鏗喘惶堙坎窞斬榛楛掘株拚翳蒼掃盡天形嶷然山

川雲氣一朝噴泄公智動於內形象於外口疏手指煥然

成亭侈儉無過因歸於中當於是延賓介泊郡之士君子

相與開襟而登之殊解乎 疑凌泱泱駕崢嶸壓夏口撐大

別開井闌於砌下擁城闔於宇後倚檻疑立在青冥中連

別開井闌於砌下擁城闔於宇後倚檻疑立在青冥中連

山積水悠悠渺渺長想一去周流物表何如宇宙於此爲
細繇是言之因知公宏邁可以拔幽陋材智可以陶品彙
應用不測與造物者爲徒乎崇崇夏籍南峴何羊祜之事
齊芳永久夫詩者比興而詠志也凡我登覽盛美情傲無
述豈文士之意乎况主人唱首韻鏗金石得不搜思上承
獻酬請咸繼大夫之後賦六韻之作耳

甘子堂各賦一物詩序

前人

甘子堂近取嘉木以名之也戊寅歲常侍李公陋舊制畫
新制茲堂一構官舍增氣槩巍然也堂中廣數筵環軒有
六閣閣有雅琴古籍繪圖篆隸砌下有短松弱柳蘭荃芳
杜名花百品羅植左右自春陽至玉沍寒之際未嘗不鋪
雪照爛庭廡新花驟發不留故蕊佐以壺酒與簾帷
之其興宴當高會雖登山臨水不敵也或月蒲清夜簾帷
沉沉洞開群扉欵衽端坐此際有以見公萬累去百靈集
氣衝寥廓與古爲徒豈獨馳心政術區區於鍾陵之氓而
已矣是知此堂也外可以延風景內可以輔性靈改作之
思符規中律請因以所覩一物賦三韻極書當時之美使
將來君子知李公有深旨焉

常賓客宅宴集詩序

權德輿

集無

太子賓客常兄彰華纓佩金龜爲清時大僚有年數矣始
以博士奉朝請周歷臺閣出分藩符入作卿長乃領內府
又贊東朝拜章乞告優詔得請致仕就第燕閑自願中外

族屬嘗僚貴仕以觴酒祝延發禮脩賀者多矣以兄始登
 朝行實自禮寺蕃社吉祿此為推輪於是眾君子學通行
 脩嘗踐此任者與今之引經據古屈職在列者同聲撰日
 復脩茲會乃有夏官小司馬左右曹侍臣書殿東觀柱下
 史南宮郎九旋十疑而鄙夫忝焉入門而右勝槩迎步聳
 檻於賓位羅松篁於石徑清冬之時寒翠溢目則熙春聳
 卉炤灼駘蕩又可知也軒蓋上下壺觴交錯聆主人之言
 則同停史聽眾賓之論如在曲臺徜徉乎禮文博約乎法
 義樂在名教慶茲壽寵中飲霑醉抗音擊節乃相謂曰季
 倫金谷實有歌詩元亮斜川亦疏樂里况今賀得謝之美
 而不類之詞愛景羨祿遺簪投轄盛集之若是者有幾安
 稱職而司勳蒲歲復留拜帖郎位猶四命焉前此者柱
 史之超拜浹日矣鄙夫之忝茲一紀矣二左曹東觀二十
 年矣陳君二十年馮君二十年張君十八年今云二十年開中言也小司馬向三十年矣
 而主人逾四十年矣其餘圻中定議損益於儀法多矣兵部
二十八年主人四十年向逾舉全數也外有平陽長樂三疑作連帥集作
君抑疑作君絳柳和三郡守裴君李君前蘇州常君信州
 陸君守之介劉君六邑之長姜君合中外歷是者十九人
 因廣斯文且為禮官之籍

秦徵君校書與劉隨州唱和詩序 前人集
 儒有秦公緒者當天寶理平之母疑作興麗則鼓盛多疑

文苑英華 卷一百一十五

於當時遭多故道進身退越部山水佐其清機圓冠野服
 條然自放宅遐心於事外得佳句於物表不知華纓丹戟
 之為貴者幾四十年方帥時賢軾間懸榻昔鄭公通德有
 鄉門之號秦君麗句創里亭之名慕風騷者多所嚮仰貞
 元中天下無事大君好文公緒舊游多在顯列伯喈文舉
 之徒爭為薦首而壽陽大夫公之章先聞故有書府典校
 之拜時動靜不滯於一方矣七年春始與予遇於南徐白
 頭初命色無愠忤知名歲久故其相得甚歡因謂予曰今
 業六義以著稱者必當唱酬往復亦所以極其思慮較其
 所敗而文疑作以時之聞人序而與之悉索笈中得數十
 編皆文場之重名強敵且見校以故敵故二字隨州劉君
 以為五言長去聲城而公緒用編伍師攻堅擊衆雖老益
 益未嘗頓鋒詞或約而旨深類乍近而致遠若珩珮之清
 越相激類組繡之玄黃相發奇采逸響爭為前驅至於室
 家離合之義朋友切磋之道咏言其傷折之以正凡若干
 首各見于詞云

蕭侍御喜陸太祝自信州移居洪州王芝觀詩序

前人

太祝陸君鴻漸以詞藝卓異為當時文人凡所至之邦必
 千騎郊勞五漿先饋嘗考一畝之宮於上饒時江西上介
 殿中蕭侍御公瑜權領是邦相得歡甚會連帥大司憲李

公入覲于王蕭君領庶察留府太祝亦不遠而至聲同而
應隨故也先是嘗舍于道觀因復居之竹齋虛白湖水在
下春物萌動時鳥變聲支頤散髮心目相適蕭君悅其所
以然也既展賓主之貺又歌詩以將之其詞清越鏗若金
璧得詩人之辯麗見君子之交好詩既成而太祝有酬和
之作復往之盛粲然可觀客有前法集作曹掾崔君茂實
文場之舊以六義為已任墮臂拔筆而為和者惟三賢師
友風騷迭為強敵志之所之發為英聲其於奇正相生質
文相發若笙磬合奏組繪七集作頌七集作交映君子曰侍御唱之大
凡酬之法曹和之是三篇也不可以不紀况合散出處之
法始有極耶以鄙人嘗學於是俾七集作以序其或繼而和者
先成為次序云

崔衛二公

文粹作崔吏部備兵部

前住渭南縣尉日宿大長

寺上方唱和詩序

前人

易之同人曰文明以健中正而應故道同於內而氣相求
情發於中而聲成文以觀以群以比以興清河崔處仁河
東衛從周於是有清秋仁詞往復十七韻之作初二賢皆
以秀造分校秘府弘文之書貞元初同為渭南尉聯曹結
綬相親集作莫逆處仁自府庭旋歸稅駕於斯國門勝槩
康莊在下馳車徒而走聲利者此為咽喉外煩埃壘中孕
閑曠晝懸清光夕湛虛明上方之鍾磬深夜之月露眺聽
寂寞情靈感發投者報者無非瓊瑤如金絲應集作和孔

文苑英華

七

海

文苑英華 卷一百一十五
奉朝集盡在是矣厥後同為左右補闕從周以本官入為翰林學士處仁累以尚書郎知制誥既而處仁西垣即真從周復以外郎掌誥泊處仁遷小宗伯而從周即真俄掌貢舉實為之代元和三年秋處仁為吏部侍郎從周為兵部侍郎重九休弊聯鑣道舊永懷曩篇二紀于茲慮屋壁之邴壞詩人之磨滅不若刻勒片石之為堅且久也惟二賢大雅閎達人倫龜玉更為王陽迭為田蘇便蕃清近烜赫章大其於為霖為礪四方之屬耳目久矣然則志氣之所舒英華之所據其濫觴於此乎德輿與二君子同為諫官同掌書命相繼典貢士分曹不置臺其間交代迭處不可具舉敢叨益者之數實悅同心之旨過琢既具序夫本

先成為次序云

崔衛二公

文粹作崔吏部衛兵部

同任渭南縣尉日宿大長

寺上方唱和詩序

前人

易之同人曰文明以健中正而應故道同於內而氣相求情發於中而聲成文以觀以群以比以興清河崔處仁河東衛從周於是清秋仁詞往復十七韻之作初二賢皆以秀造分校秘府弘文之書貞元初同為渭南尉聯曹結綬相親集作莫逆處仁自府旋歸稅駕於斯國門勝槩康莊在下馳車徒而走聲利者此為咽喉外煩埃壘中孕閑曠晝懸清光夕湛虛明上方之鍾磬深夜之月露眺聽寂寞情靈感發投者報者無非瓊瑤如金絲應集作和孔

奉翔集盡在是矣厥後同爲左右補闕從周以本官入爲翰林學士處仁累以尚書郎知制誥既而處仁西垣即真從周復以外郎掌誥泊處仁遷小宗伯而從周即真俄掌貢舉實爲之代元和二年秋處仁爲吏部侍郎從周爲兵部侍郎重九休滯聯鑣道舊永懷曩篇二紀于茲慮屋壁之邴壞詩人之磨滅不若刻勒片石之爲堅且久也惟二賢大雅閎達人倫龜玉更爲王陽迭爲田蘇便蕃清近烜赫章大其於爲霖爲礪四方之屬耳目久矣然則志氣之所舒英華之所據其濫觴於此乎德輿與二君子同爲諫官同掌書命相繼典貢士分曹不以臺其間交代迭處不可具舉敢叨益者之數實悅同心之旨過琢既具序夫本亦二君子之志也

暮春陪諸公游龍沙熊氏清風亭詩序 前人

暮春三月時物具舉先師達賢或風于舞雩或詠集作于蘭庭所以暢情靈滌勞苦使神王道勝冥夫天倪吾徒束支體於府署以薄書爲拳拮有日矣故因休沐之暇考近郊之勝郭北五里有古龍沙龍沙北下有州人秀才熊氏清風亭蓋故容州牧戴幼公前蒼部郎蕭元植賢熊氏之業之文尚茲境之幽曠合資以構集作營之創名以識之五年矣初入環堵中有琴書披篁躋石忽至茲城集作池鄱章二江分派於趾下匡廬群峯極目於枕上或澄波淨綠相與無際或孤煙歸雲明滅變化耳目所及異乎人寰志士

得之爲道機詩人得之爲佳句而主人生於是習於是其
脩身學文固加於人一等矣况其志勵於螢雪之下業成
於薪水之餘則甲科令名如在指顧是會也有御史府揚
君薛君環列崔君校理魏君皆以文發身或再戰再克予
與皇甫君不繇是進亦陪其歡虛中曠然取樂名教而主
人趨隅拜下敬恭得禮請酌古道徧徵歌詩因曰自十數
年聞佐是府者騰陵杳冥離會靡常衆君子用牽乎時未
始有極然異日之適非今日之適也至若心同於內跡膺
於外交臂瞪視吾喪我於此亭者一生幾何是不可以不
紀乃次詩于屋壁各疏爵里以爲清風亭故事云

吳尊師華原露仙館詩序

前人

人於逆旅弱喪之中而村
執膠固唯仙師具君超
機解於是有華原露仙之作本心道生終於物冥蓋順一
氣之聚散隨百昌以化生爲流爲贅爲决爲潰委和歸根
泝然大觀至於谷神隱景之道又何可究耶衆君子用徵
聲詩師亦繼和是皆遺形達生之言也或曰若師之道可
以坐忘矣惡用言說涉於名迹耶子曰道德上下經與內
外雜篇豈非老嚴之言耶終日而盡道師之心也彼方以
生死爲一貫又何有於名迹哉又曰既言之可矣惡用詩
之矣師又泛然而和之斯皆玄同而不囿於物者也於是
或者退而鄙夫書之以冠於群篇云

北苑苑華 石門苑

苑英華卷第七百十七

序十九

詩序三

奉送前合州徐使君赴上都詩序一首

緱山道中五詠詩序一首

蝗旱詩序一首

聯句詩序一首

上巳日燕太學聽琴詩序一首

送陸員外出刺歙州詩序一首

荆潭酬唱詩序一首

凌助教蓬屋題詩序一首

愚溪詩序一首

法華寺西亭夜飲賦詩序一首

王氏伯仲唱和詩序一首

婁二十四秀才花下對酒唱和詩序一首

香山居士寫真詩序一首

序洛詩序一首

題致仕武賓客嵩山舊隱詩序一首

在會稽與京邑游好詩序一首

題望春亭詩序一首 堂陽亭子詩序一首

奉送前合州徐使君赴上都詩序 穆員

二月中節時芳為人柳先攀折而垂水待臨泛而蒲花迎

酒客而笑鶯隨詩人而吟有良二千石徐公解印南國將

赴鎬京與東風遲日偕至洛中賢士大夫以公著一作名

賈詩言酒態相從於賞春之場其潤色也與鶯花並一作名

芳未老而不謀者別中道間之縵之待人攀折臨泛與

笑而吟者又似有意乎傷且怨矣矧同游者之心乎僕也

貧不知春病不逮會諸公以異日徵文之籍不獲辭焉所

以叙作者之意共歎春未去而公去故其思也同

緱山道中五詠詩序

前人

仲春之節洛帥還近郊亞尹尚書郎御史元公李公常公

將事如軍賞心百里予時有所繫不克與偕三君子賦嵩

峯漢陵維源竹澗仙壇五篇遺我居者善乎詩之時用也

如繪出其芳鏡涵群象暈呈鮮彩琴韻雅音俛仰吟咏之

間若在春元之上晴峯之下境移衆目勝集我心詩之時

用也如此否則一時得之人與閑雲並散興與夕陽俱盡
春與殘花共謝游者居者等無及焉他日屬和之聲洛陽
為之動既編次盈什則不可不紀其所以然

蝗旱詩序

前人

甲子歲秋大旱蝻蝗生其為異也聽如疾風視如飛雨仰
如陰雲俯如流水乃至天降其高地增其厚明為之昏其
災也如農夫雜草繁霜周木烈火燎原嗚呼甚矣矧夫既
枯之稼僅遺之粒其可望也余時從師于東周居鎮之府
僚友霍揆賦蝗旱詩一章七十有二句其指其生蝗蝗生
和和生瑞猶夫空谷之響立表之影以其類至必然其
春秋書災紀異之法詩人風化美刺之義備闕乎何則乃
又余味之深叙者以為引

聯句詩序

呂溫

海東柳茂直與余有潘楊之睦且道義相得也余兄弟志
守拙默不交當世晨昏之外靖專一室顧我者唯茂直而
已以為切磋蓋常事討論有宴息導集作道志氣徒然起憤

議世事

集作時事文
粹作時世

余欲無言其或晴天曠景浩蕩多思

永夜高月耿耿不寐或風露初晞况若有得或煙雨如晦
緬懷所思則文粹作何以節宣侈舒暢達情性其有易於

詩乎乃因翰墨之餘琴酒之暇屬物命篇聯珠迭唱文粹

王審韻諧律同聲相應研情比象造境皆會亦猶衆壑合

注浸

集作

為大川群山出雲混成一氣朗宣五色微闡六

義雖小道必有可觀其在茲矣茂直命余序述存以編簡
俾後之觀者知吾黨所立之濫觴

上巳日燕太學聽彈琴詩序

韓愈

與衆樂之之謂樂樂而不失其正蜀本作節又樂之尤開本作光也

四方無鬪爭金革之聲京師之人既庶且豐天子念致理

之艱難樂居安之閑暇肇置三令節詔公卿群有司至于

其日率厥官屬飲酒以樂所以同其休宜其和感其心成

其文者也三月初吉實惟其業武公少儀於是摠太

學儒官三十有六人列燕於集祭酒之堂樽俎既陳肴

羞惟特醖斝叙行蜀本作有序獻酬有容歌風雅之古辭斥夷

狄之新聲褒衣危冠愉愉蜀本作與與如也有一儒生魁然其

容而來歷階而升坐于樽俎之南鼓有虞氏之南

聲之以文王宣父之操優游夷滄庶厚高明追三代之遺

音想舞雩之詠歎及暮而還集作退皆克然若有所得也武

公於是作歌詩以美之命屬官咸作之命四門博士昌黎

韓愈叙之

送陸員外出刺歙州詩序

前人

貞元十八年二月十八日祠部員外郎陸君出刺歙州朝

廷夙夜之賢都邑游居集作從之良齋咨涕洟咸以為不當

去歙大州也刺史尊官也繇郎官而往者前後相望也當

今賦出於天下江南居十九宣使之所察歙為富州宰臣

之所薦聞天子之所選用其不輕而重也較然矣如是而

齊咨涕洟以為不當去者陸君之道行乎朝廷則天下望

其賜刺一州則專而不能或開本集無先一州而後天

下豈吾君與吾相之心哉於是昌黎韓愈道願留者之心

而泄其思作詩曰我衣之華一作今我佩之光集有陸君

之去兮誰與翱翔集有歛此大惠今施于一州今其去矣

一作胡不為留我作此詩歌于達道無羨其驅天子有詔

荆潭裴均楊憑唱和詩序唐藝文志有裴均荆潭

和九年均師荆南前人

從事有示愈以荆潭酬唱詩者愈既受以卒業一作因御

而言曰夫和平之音淡薄而愁思之聲要妙權愉之辭難

言而窮苦之言易好也是故文章之作恒發於羈旅卓

以為今公開鎮蠻荆統郡惟九常侍揚公領湖之南壤地

二千里德刑之政並勤爵祿之報兩崇乃能存志乎詩書

寓辭乎詠歌往復循環集作有唱斯和搜奇抉怪雕鏤文

字與常布閭里顛顛專一之士較其毫釐分寸鏗鏘發金

石幽眇感鬼神信所謂材全而能鉅者也兩府之從事與

部屬之吏屬而和之苟在編者咸可觀也宜乎施之樂章

紀諸冊書從事曰子之言是也告於公書以為荆潭唱和

詩序

凌功教蓬屋題詩序 柳宗元

儒有蓬屋而自立者河間凌士變窮討六籍皆有著

而自立者河間凌士變窮討六籍皆有著

述而尤邃春秋爲儒官守道端莊植志不回在京師十二年家本吳地集作也欲歸而不可得遂構蓬室以備揖讓之位棟宇簡易僅除風雨蓋大江之南其舊俗也由是不出環堵坐入吳甸包山震澤若在牖外所謂求仁而得斯固然歟與夫南音越吟慕望而不獲者異日道也夫厚人倫懷舊俗固六義之本群公是以有發德之什書在屋壁余序而引之

愚溪詩序

前人

灌水之陽有溪焉東流入于瀟水或曰冉氏嘗居也故姓

是溪曰集作爲冉溪或曰可以染也名之以其能故謂之染

溪余以愚觸罪謫瀟水上愛是溪入二三里得其尤絕者

家焉古有愚公谷今予家是溪而名莫能定土之居者猶

斷斷然不可以不更也故更之爲愚溪愚溪之上買小丘

爲愚丘自愚丘東北行六十步得泉焉又買居之爲愚泉

愚泉凡六穴皆出山下平地蓋上出也合流屈曲而南爲

愚溝遂負土累石塞其隘爲愚池愚池之東爲愚堂其南

爲愚亭池之中爲愚島嘉木異石錯置皆山水之奇者以

余故咸以愚辱焉夫水智者樂也今是溪獨見辱於愚何

哉蓋其流甚下不可以溉灌又峻急多坻石大舟不可入

也幽邃淺狹蛟龍不屑不能興雲雨無以利世而適類於

余然則雖辱而愚之可也寧武子邦無道則愚智而爲愚

者也顏子終日不違如愚睿而爲愚者也皆不得爲真愚

今余遭有道而違於理悖於事故凡為愚者莫我若也夫然則天下莫能爭是溪余得專而名焉溪雖莫利於世而善鑒萬類清瑩秀徹鏘鳴金石能使愚者喜笑眷慕樂而不能去也余雖不合於俗亦頗以文墨自慰漱滌萬物牢籠百態而無所避之以愚辭歌愚溪則茫然而不違昏然而同歸超鴻濛混希夷寂寥而莫我知也於是作八愚詩紀于溪石上

法華寺西亭夜飲賦詩序

前人

余既謫永州以法華浮圖之西臨陂池丘陵大江連山其高可以上其遠可以望遂伐木為亭以臨風雨觀物初而遊乎顯氣之始間歲元克巳由柱下史亦謫焉而來無幾以文從余者多萃焉是夜會茲亭者凡八人既醉克巳欲志是會以貽於集作于後咸命為詩而授予序昔趙孟至於鄭賦七子以觀鄭志克巳其慕趙者歟卜子夏為詩序使後世知風雅之道余其慕卜者歟誠使斯文也而傳于世庶乎其近於古矣

王氏伯仲唱和詩序

前人

僕聞之世其家業不隕者雖古猶今集作乏也求之於今而有獲焉王氏子某與余通家代為文儒自先天集作已策名聞達系集作乘毫翰而踐文昌登禁掖者紛綸華耀繼武而起士大夫掉鞅於文囿者咸不得攀而倫之乙亥歲某自南徐來執文貺予詞有遠致又著論非班詔不能讀

集作父兄之書而乃徼狂疾之功以為名吾知其奉儒素

之道專矣間以兄弟嗣來京師會于舊里若瓊瑒在魏機

雲入洛由是正聲迭奏雅引更和播墳篋之音韻調律呂

之氣候穆然清風發在簡素非集無此文章之胃曷能及

茲况宗兄握炳然之文以贊關右集作牙集作冠銀章榮

映江湖則嚮時之美談必復其始某也謂予傳卜氏之學

宜叙于首章操斧於班郢之門斯強顏耳詩凡若干首

婁二十四秀才花下對酒唱和詩序 前人

君子遭世之理則呻呼踴躍以求知於世而遯隱之志息

焉於是感激憤排思奮其志畧以効於當世必集作形於

文字申於歌詠是故集無有其具而未得行其道者之為

文君志乎道而遭乎理之世其道宜行而其術未用

為文而歌之有求知之辭以余弟同志而借未達故為贈

詩以悼時之往也余既困辱不得預睹世之光明而幽乎

楚越之間故合文士以申其致將俟夫木鐸以聞於金石

大凡編辭於斯者太平之不遇人也

香山居士寫真詩序

白居易

元和五年予為左拾遺翰林學士奉詔寫真於集賢殿御

書院時年三英華作十七會昌二年罷太子少傅為白衣

居士又寫真於香山寺經藏集作堂時年七十一前後相

望殆將三紀觀今照昔慨然自嘆者久之形容非一世事

幾變自集作題六字以寫其集作懷

序洛詩序

前人

序洛詩樂天自序在洛之詩也予歷覽古今歌詩自風騷

之後蘇李以還李陵蘇武如次及鮑謝徒迄于李杜輩其

間詞人聞知者累百詩章流傳者巨集作萬觀其所自多

因繞寃譴逐征戍行旅凍餒病老存歿別離情發於中文

形於外故憤憂怨傷之作通計今古十集作八九焉世所

謂文士多數奇詩人尤命薄於斯見矣又有以知理安之

世少離亂之時多亦明矣予不佞喜文嗜酒集作自幼及

老著詩數千首以其多也故章句在人口姓字落詩流雖

才不逮古人然所作不啻數千首以其多矣作一數奇命

之士亦有餘矣今壽過耳順幸無病苦官至三品免

職塞此一樂也太和二年詔授刑部侍郎明年病免歸海

旄授太子賓客分司東都居二年就領河南尹事又三年

病免歸履道里第再授賓客分司自太和三年春至八年

夏在洛凡五周歲作詩四百三十二首除喪朋哭子十數

篇外其他皆寄懷於酒或取意於琴閑適有餘酣樂不暇

苦詞無一字憂歎無一聲豈牽強所能致耶蓋亦發中而

形外耳斯樂也實本之於省分知足濟之以家給身閑文

之以觴詠絃歌飾之以山水風月此而不適何往而適哉

茲又以重吾樂也予嘗云理世之音安以樂閑居之詩泰

以適苟非理世安得閑居故集洛詩別為序引不獨記東

都履道里有閑居泰適之叟亦欲知皇唐太和歲有理世

安樂之音集而序之以俟夫採詩者甲寅歲七月十日云

爾

題致仕武賓客嵩山舊隱詩序 顧雲

賓客諱攸緒則天皇后從姪也天授中封安平郡王遷殿
中監出爲揚州大督府長史聖曆中弃官隱居嵩山避榮
寵也想其始來捫危選勝駕迴裁基鈿走伊波控隱士飲
牛之渚螺排緱嶠對仙人駕鶴之峯移紫府之全模寫清
都之勝槩王桃植砌董杏栽壇帳合蘿高床平石古飛流
界練貫幽響於風湍曙景張屏掛清光於露壑時或春花
發盡秋雨晴初虛籟調風斜牕印月吞露華兮漱煙液而
樂天和吟酒賦兮唱吟歌焉知帝力及龍圖去呂龜鼎選
中宗皇帝方欲訪道崑巖鳴鶴鳥茨岫遙飛鶴厥親授
軒扣蓬藿之荒扉遠徵枚乘掃阜平夔之右席強走嚴陵莫
不黃屋翹襟高霞疊夢由是輕鷗出浦明月離雲繞拜宸
堦旋登甲觀以公嘗接洞府不喜塵機雖當掛珮垂紳愈
若投羅觸罟及飛章上闕雪泣辭天帳祖席於青門轄仙
裝於紫陌乃知飛霜匝野水雀疑作冰雀留不死之蠶烈日熒
溟珠岸有不枯之草故能振清風於戚里飛逸駕於雲達
冝乎與祿產分鑣夷齊結轍比夫吞腥咽腐懷祿偷安者
不亦優乎今則八桂森指五芝零落立松崖而盡日不見
王孫掃石壁以題詩別招逋客豈無來哲能紹玄蹤聊刻
短章用旌高烈時睿文英武明德至仁廣孝皇帝御宇十

二歲也龍集辛卯律中林鍾十二月丙寅題

在會稽與京邑游好詩序

造化之功東南之勝獨會稽知名前代詞人才子謝公之
倫多所吟賞湖山青秀超絕上國群峯接連萬水都會昇
高而望盡目所窮蒼然黯然兀然澹然先春煦然似畫似
翠似水似冰似霜似鏡削玉似劍者霞布似窈窕者霜清
似英絕者如是者千狀萬態綿亘數百里間則夫盤龍於
泉巢鳳於山蘊玉於石藏珠於澗一作固必有矣真駭目
喪精之所也其土沃其人文雖逼閩蠻而不知疑作禮節

雖枕江海而不甚瘴疫斯焉郡邑一何勝哉將天地之樂
萃於此耶至於物土所產風氣所被鳥獸草木之奇妖冶
姁之出前聖靈蹤往哲盛事此傳記所詳不假重言也
斯但粗述其勝耳僕雖乏才自侍從至此晨夕習業之外
游覽所得吟詠煙月攄散情志自足一時之興也亦是快
哉然時或倚檻南臨回首西望相交朋遠誰與同之每思
往年於京洛間見時俗之士浮淺之流多誇邑外人家有
水木田園庄舍甚為奇勝可比江山嘗與俱往謂信然今
在此乃知前者之悠悠妄誇耳不足聽且夫方壺員嶠桃
源洞天自標真聖之居不與囂塵相接非但計幽隱已也
至於人寰所有游觀必常一作當顯敞知名若會稽山水深
不可測高不可及如是乃能孕靈恠藏珍寶生霞雲而盡
勝槩耳豈於十畝之地朝夕之間鑿為汗池植為幽藪源

八五七五八

流既邇根抵可知深不過藏青蛙密不過栖鳥鵲而能出
竒為勝哉今之君子多尚竒好事貴達顯揚幽僻反陋則
言之而實不足徵也不然則是人能與造物爭功矣今序
其事貽諸朋好知之者幸棄彼冗瑣而同此游也為通理
矣輒以數篇鄙拙寄贈誠玷視聽貴盡其樂以資笑言

題望春亭詩序

楊夔

夫樓閣亭榭之建其名既殊其制亦異至於瞰江流跨嶺
眷延親賓合歌樂晴朝月夕肆坐放懷蓋其致一也然則
有以位名之者以氏名之者以且于二字疑作景後同名之者以
意名之者取近而言以位名之於洪州滕王閣是也以氏
名之於江州庾樓是也以且于名之者於鄂州黃鶴樓是
也以意名之今見望春亭焉望之名愚知之矣或曰詩
始建之時也其未然乎四時相序春實稱首春德發生德
合仁也愛民之務莫先於仁仁以合天天以合仁治道盡
矣意望者其在茲乎於是賦五言詩一章八句

堂陽亭子詩序

劉詠

堂陽縣者王趙古封清彰大邑厥貢惟上其民實繁山川
超絕於水經物產闡駢於地誌覽高海岸過田光春雪之
言會出河魴動張翰秋風之思為貨泉之藪澤乃煙月之
津梁者焉其東亭也地壓上流名居勝境傍依古堞下瞰
平原羅物象於簷楹簇江山於左右一川風景隨青暮以
長新四面煙花逐炎涼而各異至若春草碧春波青雲乍

合雨初晴風颺柳花汀鷺起棹穿荷葉浦魚驚此景也桃
源金谷謬得其名又若秋蓼紅秋水綠菡萏香鳧鷖浴陌
上人歌隴首詞月中魚唱江南曲此時也青草洞庭比之
不足故得蘭臺俊彥蓬島神仙或因稅駕之飲競縱臨川
之賞乃有扶風員外悉皆留題粉壁著詠雕梁隋珠與趙
璧相鮮鳳竹共鸞絲迭奏迴鏘詞律妙盡精華乃文苑之
儀刑實翰林之主臬詠竊窺宗伯強述荒蕪何異對烏兔
而耀螢光見珠璣而銜魚目孰知不可安忍無言輒憑藤
角之花少紀蘭臺之事白沙製序徒向慕於古人淶水裁
詩竟有虧於先哲遽成一絕以廁群英者矣天祐初春月

日戊寅謹序

卷終

苑英華卷第七百十八

序三十

餞送一

秋日登洪府滕王閣餞別序一首

秋日楚州郝司戶宅遇餞霍使君序一首

秋日餞別序一首

冬日羈游汾陰送韋少府入洛序一首

越州末與李明府宅送蕭三還齊州序一首

感興奉送王少府序一首

江寧吳少府宅餞宴序一首

送李十五序一首

送白七序一首

送劼赴太學序一首

送宇文明序一首

秋夜送閻五還潤州序一首

秋日餞陸道士陳文林序一首

登薊城西北樓送崔著作入都序一首

送崔融等從梁王東征序一首

秋日登洪府滕王閣餞別序 王勃

豫章一作南昌故郡洪都新府星分翼軫地接衡廬襟三江而

帶五湖控蠻荆而引甌越物華天寶龍光射牛斗之墟人

傑地靈徐孺下陳蕃之榻雄州霧列俊采一作彩星馳臺隍

控夷夏之郊賓主盡東南之美都督閻公之雅望榮戟遙

臨宇文新州之懿範檐帷暫駐十旬休假一作假勝友如雲

星逢迎高朋蒲座騰蛟起鳳孟學士之詞宗紫電青霜

王將軍之武庫家君作宰路出名區童子何知躬逢勝餞

時唯九月序屬三秋潦水盡而寒潭清煙光凝而暮山紫

嶽驂駢於上路訪風景於崇阿臨帝子之長洲得天一作仙

人之舊館層臺聳翠上出重霄飛閣翔一作流丹下臨無地

鶴汀鳧渚窮島嶼之縈迴桂殿蘭宮即一作列岡巒之體勢

披繡闥俯雕甍山原一作源曠其盈視川澤紆一作于其駭騰

間閣撲地鍾鳴鼎食之家舸艦彌津青雀黃龍之軸雲一作

此消雨霽彩徹區明一作雲衢洛霞與孤鶩齊飛秋水共長天

一色漁舟唱晚響窮彭蠡之濱鴈陣驚寒聲斷衡陽之浦

遙襟一作吟甫一作俯暢逸興遄飛爽籟發而清風生織歌疑

而白雲過睢園綠竹氣凌彭澤之樽鄴水朱華光照臨川

之筆四美具二難并馮唏吟於中天極娛游於暇日天高

地迥覺宇宙之無窮興盡悲來識盈虛之有數望長安於

日下目一作吳會於雲間地勢極而南溟深天柱高而北

辰遠關山難越誰悲失路之人溝一作萍水相逢盡是他鄉

之客懷帝閣而不見奉宣室以何年嗟乎大運不窮一作特運

不命途多舛馮唐易老李廣難封屈賈誼於長沙非無聖

主竄梁鴻於海曲豈乏明時所賴君子見機一作安貧達人知

命老當益壯寧移一作白首之心窮且益堅不墜青雲之

志酌貪泉而覺爽處涸轍而招一作權北海雖賒扶搖可

擊東隅已逝桑榆非晚孟嘗高潔空餘一作報國之情况

猶狂豈効窮途之哭勃三尺微命一介書生無路請

等終軍之弱冠有懷投筆愛一作宗慤之長風捨簪笏於

百齡奉晨昏於萬里非謝家之寶樹接孟氏之芳隣他日

趨庭叨陪鯉對今茲一作捧袂喜托龍門楊意不逢撫凌

雲而自惜鍾期相一作遇奏流水以何慙嗚呼勝地不常

盛筵難再蘭亭已矣梓澤丘墟臨水一作贈言幸承恩於

掃篋登高作賦是所望於群公敢竭鄙懷恭疏短引一言

均賦四韻俱成請灑潘江各傾陸海云爾一無此

秋日楚州郝司戶宅遇餞霍一作使君序 前人

上元二載高和八月人多汴北地實淮南海氣近而蒼山

陰天光秋而白雲晚川塗所亘郢路極於嶠潼風壤所交

荆門泊於吳越憑勝地列雄州城池當要害之衝寮來畫
鶴鸞之選昌亭旅食悲下走之窮愁山曲淹留屬辭公之
宴喜披鶴霧陟龍門故人握手新知蒲日飲崔公之盛德
果遇攀輪慕郝氏之高風還逢解榻接衣簪於座右駐旌
祭於城隅臨風雲而解帶眄江山以揮涕巖楹左峙俯映
玄潭野逕斜開傍連翠渚青蘋布葉亂荷芰而動秋風朱
草垂榮雜芝蘭而涵晚液藏仙舟於石岸薦綺席於沙場
賓友盛而芳罇蒲林塘青而上筵蕭琴歌迭起俎豆駢羅
煙霞充耳目之翫魚鳥盡江湖之賞情繁樂極日暮途遙
思染翰以凌雲願麾戈以切景嗟乎素交爲重覺老幼之
歸朱紱儻來肯綮枯之足道且欣風物共悅濠梁齊天
地於一指混飛沉於一貫嗟乎此離難再殷懃北海之
補見何時惆悵南溟之路請揚文筆共記良游人賦一言
俱成四韻云爾

秋日餞別序

前人

黯然別之銷魂悲哉秋之爲氣人之情也傷如之何極野
蒼茫白露涼風之八月窮途蕭索青山白雲之萬里奏鳴
琴則離鴟別鶴驚岐路之悲心來勝地則時雨涼風助離
鄉之旅思琴書人物冀部關西去馬歸軒雲間日下揚
士天璞自然地靈無對二十八宿稟太微之一星六十四
爻受乾坤之兩卦論其器宇滄海添江漢之波序其文章
玄圃積煙霞之氣幾神之外猶是卿雲陶鑄之餘尚同積

阮接光儀於促席直觀明月生天響詞辯於中筵但覺清
風蒲室悠哉天地含靈有喜愠之容丘也東西張望積別
離之恨煙霞直視蛇龍去而泉石空文酒求朋賢俊散而
琴歌斷門生餞別如北海之郡前高士將歸似東都之門
外研精麪墨運思龍章希存宿昔之資去啓相思之詠

冬日羈游汾陰送常少府入洛序 前人

游汾勝壤樓船高漢帝之詞卜洛名都城邑辨周公之跡
仰天文而窺日月雖共光華憑地理而考山川即殊南北
常少府玉山四照珠胎一色縱橫振鋒穎之才吐納積江
湖之量子雲筆札擁鸞鳳於行間孫楚文詞列官商於調
下牽絲一命披林野而隨班考績三年指蘭臺而赴選後
紀駕肯長亭地隔風煙人離歲月

既同斟

歡一作岐路風塵即斷驚蓬之思下官詩書拓落羽翮摧
頽朝廷無立錐之處丘園有括囊之所山中事業暫到漁
樵天下棲遲少留城闕忽逢萍水對雲雨以無聊倍切窮
途撫形骸而何託于時冰霜裂地星象迴天朔風動而關
塞寒明月下而樓臺曙各題一字傳之兩鄉云爾

越州永興李明府宅送蕭三還齊州序 前人

嗟乎不游天下者安知四海之交不涉河梁者豈識別離
之恨松枝一作薛衣琴樽為得意之親臨遠登高煙霞是
賞心之事有梁孝王之下客僕是河南之南孟嘗君之上
賓子在北山之北幸屬一人作宴中之主條疑作然四皓

為方外之臣俱游萬物之間相遇三江之表許玄度之清
 風朗月時慰想思王逸少之脩竹茂林屢陪歡宴加以惠
 而好我携手同行或登吳會而聽越吟或下宛委而觀禹
 穴良談落落金石絲竹之音輝雅智飄飄松栢風雲之氣
 狀當此時也嘗謂連璧無異鄉之別斷金有好親之契生
 平於張范之年齊物於惠莊之歲三光廻薄未殫投分之
 情四序循環詎盡忘言之道豈期我留子往樂去悲來橫
 咽水而東西緒愁雲於南北况乎泣窮途於白首白首非
 離別之秋一作愁嗟岐路於他鄉他鄉豈送歸之地葶收戒
 序少昊司辰清風起而城闕寒白露下而江山遠徘徊去
 馬將別蓋而同飛斷續來鴻共離舟而俱泛古人道別動
 離年今我言離會當何日山巨源之風歎令望善佐朝
 野稽叔夜之潦倒麤疎其從草澤行當山中攀桂往往思
 仁野外紉蘭時時佩德人非桃李豈得無言子免疑蕭韶
 當須振響勉酌傷離之酒具陳感別之詞各賦一言俱題
 六韻

感興奉送王少府序

前人

八十有遇共太公晚官未遲七歲神童與顏回早死何益
 僕一代丈夫四海男子衫襟緩帶擬貯鳴琴衣袖闊裁用
 安書卷貧窮無有種富貴不選人高樹易來風幽松難見
 日羽翼未備獨居草澤之間翅翮若齊即在雲霄之上鳥
 衆多而無辨鳳馬群雜而不分龍荆山看則足之夫湘水

聞離騷之客人貧材富罔窺卿相之門貌弱骨剛豈入王
侯之宅王少府北辭伊闕南登洹山過我貧居飲我清酒
一談經史亞比孔先生再讀詞章何如曹子建山岳藏其
跡川澤隱其形一旦觀風雲千年想光景孔夫子何須頰
刪其詩書焉知來者不如今鄭康成何須浪注其經史豈
覺今之不如古王少府乃可畏後生學問人也各為四韻
共寫別懷

江寧吳少府宅餞宴序

前人

將山南望長江北流伍胥用而三吳盛孫權困而九州裂
遺墟舊壤百萬里之皇城虎踞龍盤三百年之帝國闕連
石塞地實金陵霸氣盡而江山空皇風清而市朝改昔時
地險嘗為建業之雄都今日太平即是江寧之小邑吳生
俊察輔佐烹鮮我輩良游方馳去鷁梁伯鸞之遠逝自有
義謹閔仲叔之遐征欲逢厚禮臨別浦枕雜亭碑雲四面
洪濤千里簾帷後闕竹樹映而秋煙生棟宇前臨波潮驚
而翔一作風動嗣宗高嘯綠軫方調文舉清談芳樽自滿
想衣冠於舊國便值三秋憶風景於新亭俄傷萬古情窮
興洽樂極悲來愴零雨於中軒動流波於下席嗟乎九江
為別帝里隔於雲端五嶺方踰交州在於天際方嚴去舳
且對窮途玉露下而蒼山空他鄉悲而故人別請罷文囿
共馮詞源人賦一言俱題四韻

送李十五序

前人

夫人生百齡促膝是忘言之美丈夫四海交頤非贈別之
資然乃想山川之遞遠送歸將遠惜歲年之不待行樂無
時於是輟離驂以少留敞幽亭之多暇山芳襲吹疑居蘭
室之中水樹一作含香宛似楓江之上御溝新溜近入維
絃賓館餘花遙催別酒既而榮波東注灞岸南登浮蟻傾
而高宴終飛鳥一作落而離宮散雖相思爲贈終結想於
筆滋而素賞無俟孟申情於麗藻人爲四韻各賦一篇

送白七序

前人

天地所以間南北山川所以別風雲陽舒陰慘覺造化之
勞日運星迴恨良辰之不定白七官天台傑氣地乳作
奇精當益友之壯匪頭處通侯之驚鶴靈珠耀掌是琴酒

之文人長劍橫腰即風雲之烈士屬天象掩峻帝道微
之珠玉作朝廷之鸞鳳寰中握手得希代之英靈
天下傾心盡當年之意氣整秋駕駐春裝背橫溪之七曲
對長亭之十里中情易感下調多愁送君當東陸之前逢
我在北風之別嗟乎良友不追神交已遠同人者少方見
阮籍之眼青知我者稀不學馮唐之首白唯當遂游絕壑
族悲空山幽桂一叢賞古人之明月長松百尺對君子之
清風既而花鳥爭飛烟霞競集青山高而望遠白雲深而
路遙貴余以道誰能著後五千言贈子以言空有離前四

十韻

送劼赴太學序

前人

今之游太學者多矣成一切欲速百端進取故夫庸受末
學者因利乘便經明行脩者華存實喪至於振骨餓之風
標報賢聖之言懷遠大之舉蓋有之矣未之見也可以深
慕哉且吾家以儒輔仁述作存者八代矣未有不义於其
道而求苟出者也故能立經陳訓刪書定禮揚魁梧之風
樹清白之業使吾徒子孫有所取也大雅不云無念爾祖
易不云幹父之蠱書不云

詩不云不如友生四

者備矣加之執德弘信道篤心則口誦廢食忘寢渙然有
所成望然有所伏然後可以託教義編人倫彰風聲議出
處若意不感慨行不卓絕輕進苟動見利忘義雖上一階
履半級何足恃哉終見棄於高人但自溺於下流矣吾被
家業累濡濡庭訓切磋琢磨戰兢惕勵者二十餘載

以薄伎獲蠲戎役嘗耻道未成而受祿恨不得如古君子
四十強仕也而房族多孤飢粥不繼道父兄之命覩飢寒
之切解巾捧檟扶老携幼今既至於斯矣不蠶而衣不耕
而食吾何德以當哉至於竭小人之心中猶子之道飲食
衣服晨昏左右庶幾乎令汝無反顧憂也行矣自愛游必
有方離別咫尺未足耿耿嗟乎不有居者誰展色養之心
不有行者孰就揚名之業蓮豆有錢菽水盡心蓋各賦詩
叙離道意云爾

饒宇文明序

前人

昔者王烈登山林泉動色稽康入座左右生光豈非仙表

足以感神真姿可以錯物况我巨山之稟孤出昇華之麗
清峙群公之好善下官之惡俗接霓裳於勝席陪鶴響於
中軒俱拔之標各杖專門之氣煙霞用足江海情多
言泉共秋水同流詞鋒與夏雲爭長雖楊庭載酒方趨好
事之游而肆樂含毫請命昇遷之筆同抽藻思共寫離恨

秋日餞尹大官往京序

駱賓王

尹大官三冬業

一作懸

暢指蘭臺而拾青薛六郎四海情深

飛桂樽而舉白于時免華東上龍火西流劍影沉波碎楚
運於秋水金輝照岸秀陶菊於寒隄既切送歸之情彌軫
窮途之感重以清江帶地憇吳會於星津白雲在天望長
安於日路人之情也能不悲哉集作雖道術相忘叶神交
集作府而風煙懸隔貴申心於翰林請振詞鋒同用

海人爲四韻用憇九秋云爾

秋夜送閻五還潤州序

前人

閻五官言返維桑條途指金陵之地李六郎交深投漆關
延浮玉筍集作白玉之樽于時璧彩澄虛漏輕光於雲葉挂陰
散廻搖碎影於風梧雖桂醕蘭缸暫淹留於一夕而青山
黃鶴將惆悵於九秋請勒四言俱伸五際

秋日餞陸道士陳文林序

前人

陸道士將游西輔康集作通莊指浮氣之關陳文林言返東
吳脩途走落星之浦於是維舟鏡集作錦水藉蘭葉集作若
開筵縵騎金隄泛榴花而集作於祖道于時赤燦紀節青女

司辰霜鴈銜蘆舉賓行而候氣寒蟬噪柳帶涼序以愴集

令情加以山接太行聳羊腸而飛蓋河通火海踰馬頰以集

開津集作登高切送歸之情臨水感逝川之嘆既而嗟別集

路之難駐惜離樽之易傾雖蒙邑集作筌蹄已忘言於道集

術而陟一作陽風雨貴抒情於詠歌各賦一言俱成集作

四韻度幾別後用暢離憂云爾同爲

登薊城西北樓送崔著作入都序 陳子昂

僕嘗倦游傷別久矣况登樓遠國銜酒故人憤胡孽之侵

邊從王師之出塞元戎按甲方割解甲之壘天子賜書且

有相君之召而崔侯佩劍即謁承明群公負戈方絕大漠

山北望遼海東浮雲臺與碣館天殊亭障共衣冠地隔

劍何道長謚增嘆以身許國我則當仁論道匡君子思

報主仲冬寒苦幽朔初平蒼茫天兵之氣冥滅戍雲之色

白羽一指可掃九都赤墀九重行欣讌樂集作竹心期我

願斯遂集作誠必君集有心共策勲飲至方同廊廟之

歡偃霸後漢作禮集作武借爾文儒之首剡丘故事可以贈

言同賦登薊樓送崔子云爾

送著作佐郎崔融等從梁王東征序 前人

古者涼風至白露下天子命將帥訓甲兵將以外威荒戎

內輯中夏時義遠矣自我大君受命百蠻蟻伏匈奴舍蒲

桃之宮越裳重翡翠之貢虎符不發象胥攸同實欲高議

雲集作臺偃白天下而蘇胡遺孽蓬亂邊氓驅蚊蚋之顛

息雷霆之伐乃窮海而弄燕陸皇帝哀北鄙之人罹其辛
螿以東征之義降彼僞禪猶恐威令未孚亭塞仍梗乃謀
元帥命佐軍得朱邸之天人乃黃閣之元老廟堂授鉞鑿
門申命建梁國之旌旗吟漢庭之簫鼓東向而拜北首集作
道長驅霓旌集作羽騎之殷戈翻落日突鬢蒙輪之勇劍
尖浮雲方且獵火九都窠踏頓存肅慎弔姑餘傍徨赤山
巡御日域以昭我王師襲天討也歲七月軍出國門天晶
無雲朔風清海時比部郎中唐奉一考功員外郎李廻秀
著作佐郎崔融並叅帷幕之賓掌書記之任燕南悵別洛
北思歡頓旌節而少留傾朝廷而出餞永昌丞房思玄衣
冠之秀乃帳蕙圃席蘭塘環曲榭羅羽觴寫中京之望縱
之賞爾乃投壺習射博奕觀兵叩一作金鐃曷埜一作
歌易水以慷慨奏關山以徘徊頽陽平林微陰生集作
山座思長風以破浪恐白日之蹉跎酒中藥醕拔劍起舞
則已氣橫遼碣志掃獯戎抗手何言賦詩以贈

文苑英華卷第七百十九

餞送二 蘇軾詩一首 蘇軾詩一首

送趙郎將使默啜序一首

送吉州司戶審言序一首

暉上人房餞齊少府使入京序一首

餞陳少府從軍序一首 送懷州皇甫使君序一首

送尹補闕入京序一首

三月三日於灞水曲餞豫州杜長史別昆季序一首

送裴五司法赴都序一首

袁侍御序餞永昌獨孤少府序一首

鄴公園池餞韋侍郎神都留守序一首

錢常侍舒公歸觀序一首

錢宋司馬序一首

景龍觀山亭集送密縣高贊府序一首

送李郎中赴京序一首

送李侍御之芳黔中掌選序一首

送張補闕歸鄴序一首

送蔣胄曹充隴右營田判官序一首

送裴參軍充大稅使序一首

送遂州紀參軍序一首

送康若虛赴任金鄉序一首

送竇待御知河西和雜還京序一首

送王侍御赴劍南序一首

送麴郎將使默啜序

陳子昂

蓋聞北夷不羈之日久矣天子禹玄默穆皇風而很居華

心蟻伏請職歲一月上將恤戎乃以金章假麴公為司賓

卿載馳錦車諭意雲幕且欲頓單于之膝受呼韓之朝不

踰青春復命紫闕其忠臣烈夫之節感激壯矣朝廷以遠

赴集作絕國追送郊丘集作登熊山望鴈塞黃雲千里亭

事悠然會日賦詩絕句以贈

送吉州杜司戶審言序

前人

嗟夫德則有隣才不必貴昔有耕於巖石而名動京師

感帝王乃位一作武騎夫豈不遭昌運哉蓋時命不齊

奇偶有數當用賢之世賈誼竄於長沙居好文之朝崔駰
 放於遼海况大聖提象群臣守規杜司戶炳靈翰林研
 策府有重名於天下而獨秀於朝端徐陳應劉不得劇
 壘何王沈謝適足靡其旗而載筆下寮三十餘載秉不
 之操物莫同塵合絕唱之音人皆寡和群公愛櫛衡之
 留在京師天子以桓譚之非謫居外郡蒼龍闢茂扁舟
 吳告別千秋之庭迴棹五湖之曲朝廷相送駐旌蓋於城
 隅之子孤游淼風帆於天際白雲自出蒼梧漸遠帝臺牛
 隱坐隔丹霄巴山一望冤斷淶水於是邀白日籍青蘋追
 瀟湘之游寄洞庭之樂吳歛楚舞右琴左壺一作左壺將以
 緩燕客之心慰越人之思杜君乃挾琴起舞抗首高歌
 首而未遇恐青春一作雲之嗟此且欲携幽蘭結芳

石泉以節味

一作明節

詠商山以卒歲返耕餌木吾將老焉群

公嘉之賦詩以贈凡四十五人具題爵里合絕

集作合絕

暉上人房餞齊少府使入京序 前人

永淳二年四月孟夏東海齊子官于此州雖黃綬位輕而
 青雲望重故能委邦君而坐嘯屈刺史而知名屬乎鑿駕
 巡方諸侯納貢將欲對揚天子命我同行集作行人執玉帛而
 當朝擁駢駘而戒道指途河渭發引岷嶠粵以丙丁之日
 次于暉公別舍蓋言離也爾其巖泉列坐竹樹交筵吐清
 藹於軒牕棲白雲於左右參差池榭亂山水之清陰繚繞
 階庭雜峯崖之異勢入禪林而避暑肅風景於中林開水

殿而追涼微氛埃於戶外瑤琴合奏翠宇時行談窈窕於
天人極留連於晷刻既而歡樂極良辰征攀白日而不廻
唱浮雲而告别山光黯黯凝綠樹之將曛嵐氣沉沉結蒼
雲而遂晚雖同交未阻風月可留岐路方乖關山成恨嗟
乎朝廷予入期富貴於崇朝林嶺吾棲學神仙而未畢膏
霞路絕朱紱途遙言此會之何時願相逢而誰代未懷千
古豈知仁者之交凡我三人盍崇不朽之迹斯文未喪題
之此山同疏六韻云爾

清陰 集作 清音

餞陳少府從軍序

前人

夫歲月易得古人疾沒代不稱功業未成君子以自強不
息豈非懷其寶思其用然後以取海內之名以定當年之
業展其才力受以驅馳少府叔鳳彩龍章才高位下班超
每言關塞之勲梁竦長懷耻為州縣之職屬胡兵犯
塞漢將臨邊商君用耕戰之謀充國起屯田之策皇華出
使言收疆場之功白水開筵遂為雲雨之別爾其蒼龍解
角朱鳥司辰溽景薰集作 蒸天炎光折地山川漸遠行人動
滄子之歌罇酒未空送客起貧交之贈嗟呼楊朱所以泣
岐路蘇武所以悲絕國古之來矣盍各言志以叙離歌

送懷州皇甫使君序

宋之問

旬服三百里共京都叅化良吏二千石與天子分憂覃懷
輿區必寄能者皇甫使君累司寵職夙著香名威惠歷刺
於外臺風流載欵於京國議者應南宮之象實謂光朝使

乎奏西河之能更勞為郡檐帷即路供帳出郊宿雨碧滋
浮漢城之氣色朝陽紅景入太山之草樹新豐美酒不換
離心函谷重關能推別恨河內未理暫借寇恂頻川旣轉
佇歸黃霸廟堂側席群公以尚義相高川陸分途我輩以
贈言為貴况筵開灞岸路指太行請居人贈王粲之詩去
者留阮公之作

送尹補闕入京序

前人

河間尹公博物君子解褐調慈州司倉白雲在天不樂為
更有竹林近鄜杜南山彈琴讀書日益淪放雖道貴物外
矣無世情身退名高再顯天爵遂使公卿舉手羔鴈成群
無何勅書到秦徵詣函洛天子以其老成達學昂藏有古
風命典著書職在補闕特議以謂伯喈得召仲甫後
隨前藉馬入關西携老幼重見喬木載馳舊山念出處事
遠居人惜別離車將遠比我同志賦詩贈行

三月三日於灞水曲餞豫州杜長史別昆季序

前人

上巳佳游近郊春色朱軒映野見東流之夜楔白雲在天
槍南登之送別杜長史言辭灞澹將適荆河戀舊鄉之喬
木藉故園之芳草鶴原四鳥是日分飛輿泉二龍此時云
綠潭一望青山四極秦人去國乘右輔之脩途洛客思
歸憶東京之曲水請染翰操紙即事形言各賦蘭亭之詩
咸申萼陂之贈

送裴五司法赴都序

前人

夫有別必感今昔共之蓋理通聚散事均窮達望泰是
勝之所况念故園懷洛多掩涕之人更分良友裴五官
傳河寶才誕岳靈彩思有神鬚眉若畫一日不見鄙悵
生千里送歸風流忽遠朝英出餞迴北走於郊隅野學
霧引南山於庭際客飲恨而歡促席含情而景遲日喬
之將華青門戀舊背芳壺之稍吐金谷逢春舉杯伊何願
君軫之少駐賦詩於是旌余忘之所之敢謂座賓盍宜離

表侍御席餞末昌獨孤少府序 前人

暮兮勞志士之幽嘆友其行矣結吾徒之遠悲豈不
以物華歲好事者賞而不足名流才子相歡者懷而不

見河南獨孤冊風儀松竹詞賦雲泉清義多一作許南史之

才選署半一作曹署北部之慰表侍御風霜利器金石宏材執

憲稱柱下之雄禮士採域中之俊爾乃撰辰開宴考地疏

筵落花覆沼懸藤掃砌竹林以清氣娛賓蘭畹以芳心愛

客環坐三尺起君子之風祖道百壺酌賢人之酒去留交

軫舞詠相喧管召魚樂杯薰鷲醉此時奚集作生怨盛集集

何是日增悲韶芳亦盡啼鳥送晚遙棲御史之林班馬嘶

歸近送舍人之驛夫登高動詠贈遠形言豈鄙懷之度

乃群公之事業盍請離唱用貴洛陽之紙焉人採一言

題四韻

鄴公園池餞常侍郎神都留守序 張說

夫良才出乎休運大任歸乎令德四海既安乃注意於
相兩都分正實具瞻於師尹鸞臺侍郎兼左庶子常公國
之禎幹人之表儀矜嚴有叔子之容持重得楊公之望門

集作通禁省當朝稱累代之名管綜諸闈帖職盡一時之

美頃以五星東聚八月西巡武王既入於鎬京君陳當往

於洛邑者集無者字中日晷之盈縮均天宇之會同清廟明堂

政理之本也教倉武庫兵食之原也機務所總半天下之

軍國聽訟寔繁連海隅之郡縣恩有密而處遠事有疎而

授親腹心遐寄惟賢是屬武臨單闕月在長贏同蕭何之

居守當陰識之留鎮北闕拜辭西堂宴餞大君垂藻承

月露之光榮元良賜服被星海之耀潤執事以同列之

好載壺酒而送行鄴公以彌甥之禮掃郊園集有留別此

地有離洲別嶼竹館荷亭曲沼環合而連注叢山相望而

間起幽隱長寂蕭條遠風通終南之雲氣下昆明之水鳥

爾其駐馬青林肆筵碧岸清管四發坐客增悲高臺一望

游人志返常公方祗率嘉命保釐成周樹之風聲流我王

澤然而臨觴不樂首路蓬蓬闔夕拜戀未央之宮闕錦

服晝遊懷杜林之桑梓層城日下高蓋雲飛天子賦詩已

載罷行之史群公盛集須傳出宿之文凡若干首合成一

卷陸生何幸暫游朝宰之間商也悲然輕述國風之序云

爾

錢常侍舒公歸觀序

蘇頌

右散騎常侍兼國子祭酒崇文館學士舒公邦之碩儒
 富於學深其智秉辟雍之禮講金華之義者嘗有日焉
 大而言若訥位高而志益下造膝則人無異辭匪躬則
 有余力儀正可象聲希必應此所以孔光密而張輔寵也
 故進避榮而榮自取退崇讓而讓得之既而命列幡旂
 焯照於西第徒成俎豆眷戀馳乎東國每洒涕而祈主將
 候顏以拜親天子懷公達之舊惜康成之往乃卷中留久
 而下制是月惟閏乘春載陽服老萊之衣飄組丈二擁終
 童之傳送車數百晨省備其傳呼晝游嘉其飲錢來而
 懼經躍鯉之新泉至則光輝對迴龜之舊浦夫志於道者
 二三子之莫逮善於孝者千萬人之所說未有州謫於
 關下白首登於堂上門生仰而結轡邦牧趨而負弩豈非
 訓虞一作虞非受封就宋傳業評魯師之教者其馮母之榮乎
 於是絲庭華省之家虎觀鳴都之士屬鶴鷓鳴矣楊柳依
 依情搖江上之楓思結河邊之草吳州日見楚山雲絕莫
 不捧袂黥然彈毫以贈庶幾離言之至知儒行之尊歟

錢宋司馬序

張九齡

宋司馬才通命塞雲翼泥盤集作蔡邕朔方不廢琴書之
 業賈誼宣室欲言鬼神之事既而出宿南浦與鳴鴈而集
 以同歸追餞北梁對江山集作而不樂是日渚雲欲霽林
 鳥將春惜時物之芳華重情人之自遠群公有感中座無

歡他日清風自當玄度之夕茲辰零雨得無子荆之詠遂
相與授翰賦詩贈行

景龍觀山亭集送密縣高贊府序 前入

景龍東山初生第也始其署金榜築鳳臺窮土木之功極

岡巒之勢議與盤古集作石同體造化較力何其壯哉自吾

君茅茨不翦采椽不斷既抑華而務實將設教以垂範以

故平陽化焉罷歌舞於其地麻姑見者變桑田於此時所

謂長女之宮鬱為列仙之館其後常集作嘗有好事以為勝

游今日芳辰携手接袂徃徃而在祇取樂焉高十官雌伏

都畿星言至止聞殊庭之可尚召嘉客以相驩徒觀其區

幽竒宅爽愷十里九坂豈唯梁氏之作千巖萬壑宛是吳

中之青林脩竦集作聳而垂絲綠蘿蒙籠以結陰清流若

鏡下照金沙之底雜花如錦傍綠石茵之崖則可以藻飾

形神揮斥氛滓相顧風塵之表無負雲霄之槩既而東主

西賓酒酣樂闋聚必有散匪伊麋鹿之群徃而不返固亦

山林之弊高公乃振衣而起舉杯有屬却計送人出長安

之東道退思征馬向洛陽之南陌雖暫勞於州縣迫於簿

領方欲厭於承明資其騫躍夫如是相知意氣何恨化離

盍賦詩焉以贈行者

送李郎中赴京序

孫逖

今上有天下之十載鑿輅在鄴而大夫師長庶士御事分

曹成周俾贊居守歲八月詔下東都召水部員外郎李公

文苑英華 卷一百一十五
拜工部郎中崇德也李公主善秉哲敏才慮行葆光能明
冥樞自達始以茂才擢第與今中書舍人許公俱補廣陵
椽相與沿達淮泗嘯訶雲物雅頌允鑠東南有光官匪
而趣成道不行而樂在自時厥後蓋四三年或翰飛禁
或鷹騰仙闕接武軒陛迭耀冠劍夫豈求之歟皆溫良
儉讓以得之也所謂謙受益德必聞崑崙琅玕南國橘柚
無遠不屆彼何言哉傳置具車候亭出餞西顛沈碭北陰
肅殺風落嶠泚霜飛河濱金羈載馳紫亭何遠夫居四民
時地利周所以貴冬官草奏議應列宿漢所以寵卽署之
人也之德也必能簡孚乃職克休厥聲天秋虛求名效庭
及席矣凡今作者賦詩贈行

送李侍御之芳黔中掌選序

前人

陽氏之才子侍御其人焉夏之文求也藝蕪而有之矣
頃者持斧河朔獨擅專城明罰飭法所向風靡是以有黔
中之往俾脩河朔之政不然者何萬里而南爲至如遐荒
靡莫之俗置吏羈縻之道則衆賓叙之矣倦談者何得而
稱焉

送張補闕歸鄴序

前人

余射策於洛城南門者有年數矣補闕張子嘗同彙征逮
揮翰於禁庭又聯官於近侍人各有舊所貴於同聲吾愛
其才敢忘於久要承明厭直河朔言歸且鄴惟舊鄒漳有
深涉昔聞七子今在一門北州爲營當有聚星之會西垣

贈別請陳零雨之詩

送蔣胄曹充隴右營田判官序 前人

古之使臣必有命介所以謀闕計事類能撰功蔣侯之往
佐輜軒蓋其義也夫其敏行精識長才博聞克荷詩禮之
訓聿脩清白之業故妙年從官已著老成之風卑飛未騁
共許垂天之翼是行也必能使田有封洫事著典常儲峙
孔殷甲兵不頓愛人許國何以尚茲時中丞公充寵天朝
而子勤役邊鄙豈不以策名委質者義方之大訓出入
復者常情之小慈不貴垂堂之說還嗤倚門之望懿乎哉
又聞君子之遠其子也河隴先秋鷹隼方擊贊成糾慝今
也其時群公題之賦詩以贈

送裴參軍充大稅使序

前人

古之王者稅公田衡虞之人給郊廟賜與之用無有
咸率乃職越會稽郡者海之西鎮國之東門都會蕃育膏
肆蕪倍故女有餘布而農有餘粟以方志之所宜供天府
之博歛篚絲紵給金刀浮江達河命爲汎舟之役撰功匠
績實賴飲冰之使是行也裴子爲政焉廼命水工具行器
節制費用詳度川陸指洞庭以北上向長安而西矣談笑
之外厥有成功樽俎之間見其從事展使能者非子而誰
而疇昔交情今茲吏道歎淪落於荒服結殷勤於官次喬
木之國子其歸乎篁竹之鄉余何爲者肝膽楚越始合終
離嗚呼岐路素絲得其幾矣十月冬旱三江晝晴夢故園

文苑英華 卷之四
之黃落見長河之鴻鴈澤國山水天資助人炎方草樹
寒未入居者愛客行者徇公拜神禹之清祠泛五員之
水車馬疊跡傾越人於外郊樓船接艦溢吳歌於寒浦
君以不拜戒君以登陟攬涕何道賦詩詠曰不錄

送遂州紀叅軍序

前人

遂州叅軍紀公吾友雲將之令弟也敏於行志於道克脩
人彛允副兄勗噫周公之亂紀爲其首天祚明德必將有
後不然何棣華之可久也選曹舉善群吏湏才九霄始構
一命而偃穆卜吉日端征畏途緬躋岷峨遐涉漢宿息
巖險凌臨湍悍仗信不慄載義必亨方慕忠臣之志固無
番堂之責爾之寡兄克施有政是則是效念茲在茲福利
則心求隔遠嫌則荒言自絕固雖功燹之產巴蜀之饋
不判胎膏誰謗意以懋厥丕德時維哲人群公贈言要僕
題序

送康若虛赴任金鄉序

前人

昔太史公涉汶泗登鄒嶧以觀孔氏之遺風康子之吏於
是邦有以見古人之心矣况大君出豫將事升中之禮有
司擇人俾佐奉高之邑利在求舊急於使能位俾才難亦
可宗也夫強學者義之用工文者藝之本明識者智之府
令名者德之輿子曰疑四德以待百事如農之旣勤若射
之有志行無越思徃無不利彼游刃於理劇固恢恢乎有
餘地矣初余以朋友之故謫居荒服憔悴湘沅縉雲不謂

明時殆將十載是舉也所謂理舊汙續常職信有國之令
典知若人之晚成五月鳴蜩載驅翹翹贈之維何折彼柔
條餞之維何席彼秀萋炎雲在天景風拂野時煥方熾吾
子勉之請各賦詩以無忘平生之好

送實侍御知河西和糴還京序 高適

天子務西州之實歲糴德計何始於貴取而以耗稱俾
兵受寒戰馬多庾輓域中之稅鑄海上之山江淮之人
奔命矣豈財賦之地抑以從來將利害之鄉猶有所關
堂精思其故表實公自憲闈而董之關精集作開釋叢脞之
發揮鹵莽之極政之大者不其然與今農夫力於必
賈知夫勇賤鳴集作戲北石惟思之義以見天下之兵

賈知夫勇賤鳴集作戲北石惟思之義以見天下之兵

月既望公於是領錢穀之要歸奏朝廷副節制郎中裴公

軍司馬員外李公追臺閣之舊游惜軒車之遠別席樓船

於池上泛雲物於城下胡琴集作絃羌笛繚繞隈澳儼羅核

裴映帶洲渚醉後歡甚東日遐瞻集作東林日高語岐路於

樽前指京華於天取有若司直崔公之逸韻嘉其廷評數

賢之間作適忝斯人之後敢拜首而序云

送王侍御赴劍南序 陶翰

國家既誅邛笮之游蒐收滇池之陳地以蠻貊君長未即
序徼外新國約非甚堅將欲宣王風布中典必候才英矣
監察御史王公志標勁節天假異能秉心而忠義必聞多

方而文武不墜我中丞魚于公以功名立破城江南開啓
而虜不敢窺城峻而敵不敢守者皆倚匡時之策仗橫行
之氣不然者豈有夕捨一尉旦磨疑作三軍盱衡於不毛
之間決勝於大荒之表取廷評者浹月登憲府者周星繡
衣照於江原風霜掃於劍壁斯不足畏矣中朝名雅嚮慕
趨風餞筵傾誠翰墨紛囑百壺追送來登董原之野萬
蒼然更繞華陽之國予以授簡敢無斯文

大華卷第七百二十一

序二十一

餞送三

送封判官攝監察御史之磧西序一首

送史判官之河南序一首

送李參軍水運序一首 送李參軍序一首

餞崔朔司功入計序一首

送蕭少府之幽州序一首

送崔司戶過隴迎大夫序一首

送崔二十一之上都序一首

送孟大入蜀序一首 送惠上人還江東序一首

送王大接萃不弟歸睢陽序一首

送盧洵落第東還序一首

送謝氏昆季下第歸南陽序一首

送田八落第東歸序一首

江州卧疾送李侍御序一首

送十三舅適越序一首 送房七西游梁宋序一首

送薛九遠游序一首

送薄九自牧往義興序一首

送張十五往吳仲序一首

送觀往吳中序一首 送河萇序一首

送蔣十九丈奏事畢正拜殿中歸淮南幕府序一首

送于兵曹往江夏序一首

送李兵曹往江外序一首

送孟校書往南海序一首

送封判官攝監察御史之磧西序 陶翰

夫子以忠義爲名以才能爲用頃年投筆多制勝之謨聞
歲策勳有斯皇之命以西師之未解右地之多虞何寧此
材豈獲居息我主將所以封弱水擒月氏畧康居取勃律
雖出車之任事屬於方能而入幕之賢功歸於帷幄嗟乎
非萬里無以見遠圖非三軍無以知壯節古人於是歷孔
道窮河源豈勤勞而樂行役甘絕域而厭諸夏必以爲擔
石者能喪志懷安者也而拜命封侯功成事立不同日言
矣勉哉封子守其嘉謀韜軒將馳繡服將假雖天下險阻

玉關之風故不足爲子慮耳帝鄉山川徙倚將遠別路雲
樹蒼茫欲秋可以贈離杯可以贈離唱乃命座客唯然賦
詩

送史判官之河南序

前人

子始以詞進而果以政聞拔起翰林激昂儒服朝升一尉
暮入五府漢東之駕終返河南之檄適至皇皇之命未嘗
寧居將欲拒其辟書韜其利用若清規雄烈已異於天下
矣周鄭之風好僻齊魯之政或訛使戎臣所以政疑於廟
精銳於填舉以東夏侯子得無戒之哉於是中朝名士差
補闕任侯序其詠誦大常王簿楊公鳩其宴餞筆墨以之
聚至文章以之感合不有君子胡寧是焉中條氣疑河水
中送客美使者之賢泗上諸侯盛主人之禮慎行
勉哉軺軒別筵并興詞賦問作故我有後甲之術凡
不在任氏之唱者實隸於斯矣

送李叅軍水運序

前人

壯哉大河之功也南分淮泗東委溟渤呀呷長川呼吸萬
里若舟楫是戒風濤無虞則三萬之廩可得而西矣故朝
廷大役實難其人李公精義宏高德量魁達聲聞關右義
徵浙川我侍御史薛公資之以成務也於是驛騎首路列
筵在庭山川且長語笑云隔勵其節宜其規使白波徐清
紅粟流衍則國家之事濟矣勉旃故交不敏詩以投贈之

送李叅軍序

人生相知心乎僕之心嘗語君矣相天疑以志相思以言
以居則無悶以動則無悔孰謂子非天下之知己乎同官
為僚同志為友豈不欲晤語終日盡平生之懽然而天時
者盈虛也人事者倏忽也一合一否與時而來不有聚何
以同二人心不有散何以見四方志長揖而去勉哉東軒
揚花初飛郊草先碧自秦及洛雲山千里子衿之首章善
矣吾從也

餞崔朔司功入計序

前人

冬天子至自河華中使至司功崔公朝於京師禮也今天
下有道聲教必被要荒來格况其邇者乎政莫大於殷
使莫大於述職故學於禮足以重對崔公近之矣及夫三
物成者斯義歟征騶如飛郊暮來祖渭上西眺塞源無
賦皇華而送崔氏行焉

送蕭少府之幽州序

前人

頃林胡大寇邊殺右將軍於是幽薊之北門不啓天子方
憂朔漠之事問盧龍之策公安符收其宏畧匣長劍塊然
為一尉哉夫感於事則忠義全登於危則臣節見必也海
水晏燕山空代雲胡沙談笑而靜蓋王師之義全言未畢
征馬將散三嘯於離郊之上敬而辭焉

送崔司戶過隴迎大夫序

前人

夫公銜紉海裔東歸玉門戎夏已康金甲已息伊大夫皆
受賜矣矧司戶公詩禮是勗庭闈是故疑假輶軒登隴雲

而四望矣吾朋乃驅征騎携旨酒歌白雲以贈之關河始
風秋草尚碧衆皆詩人也安闕乎文哉

送崔二十一之上都序

前人

士之相知故不在舊僕一親君詞志慷慨情幹絕人是欲
片心樹善君子風義相感笑言卒獲時不與而清秋至樂
未央而別恨生則臨岐撫然把袂如失蘭可佩也掇而贈
君酒可忘憂酌以酬我且士為疑當世虛已之運主司推
心之時而不能翰飛冲天凌勵勁翻非人英也子之往矣
吾無間然乃徵詩寮以贊行色

送孟大入蜀序

前人

孟勝孟浩然精朗音素幼高為文天寶年始游西秦京師
諸人皆歎其曠絕也觀其匠思幽妙振言孤傑信詩伯矣
不然者何以有聲於江楚間嗟呼夫子有如是才如是志
其流落未遇風塵所已疑謂天下無否泰無時命豈不謬
哉翰讀古人文見長楊羽獵子虛賦壯哉至廣漢城西三
千里清江寅緣兩山如劍中有微徑西入岷峨有奇幽皆
感子之興矣勉旃故交不才以文投贈

送惠上人還江東序

前人

自延陵季子來請上國齊魯晉鄭賢豪風靡及夫顧陸入
洛亦稱南金今錢塘惠上人提一孟振一錫則呼吸詞府
頡頏朝顏長江之南世有詞人舊矣於是侍御史王公繼
太子舍人裴公惣寄彼好事於焉首唱才賢翕集文墨

文苑英華 卷一百一十五
芬作者爲之不寧詞林爲之一振此公家本富春樓於天
竹白雲青岫方丈之居江風海濤一杯而泛窮其奧旨
空王之法門曠其精心有真如之理性不然我群公風流
虛佇歌詠間作者豈無哉正月襟裳東旅征帆南岸眺吳
山而可見值湖水之將碧震澤千里孤舟渺然北思我曹
時開離贈卷也

送王大校萃不第

俗從竹非

歸睢陽序

前人

才格可得而仰也文章可知而畏也故往年有公連之捷
矣九流之學日盛三鼓之音未歇今茲有天官之阨矣天
將啓子於世故命以才授子於官故先以屈屈伸理也才
時也子姑感激毫翰增脩詞律冲天之舉吾倚而待焉
治豈常離言實早河岳西別愆哉鎬京庭闈東瞻誰謝
送草色將變雲天浩然詩而詠言將以述志

送廬洵落第東還序

前人

意天生秀明雋而才之有九流胡蒙而屯之故君子守之
以知息之命而固有須也不然者廬氏子魁岸特達而若
是尚昧昧於公車之下而三歲不覲哉灞城春潤風暄景
遲鶯聲始調柳色堪醉當此而裹足千里背而東豈意者
歟衆皆賦詩以慰行旅

送謝氏昆季下第歸南陽序

前人

吾常游江表得二謝焉青青子衿始在童丕時已辨其精
雲噴浪之兆江河蕭散垂二十秋忽然上京拜瑩心目詩

騷之興天假流畧之奧日新才藝克脩文鋒甚銳吾以此
自負不為非知人矣金門未偶征蓋言旋雲峯閉於武閣
春野開於楚鄧蓋將窮討一作策府琢磨詞律他日之奮
六翮登九霄末為後一作非耳春水尚寒郊草無色何以贈
別必在乎斯文

送田八落第東歸序

前人

田子行於古而志於文雅多清調將有新律鋒鏑甚銳將
來者其憚之勿以三年未鳴六翮小挫則遂有清谿白雲
之意夫才也者命在其中矣屈也者伸在其中矣將子少
安吾以是觀德灞亭柳綠昆池草青于何送歸無易詞諫

江州卧疾送李侍御序

李華

侍御歷物愍漢上湖陰江左之賦王府之入不置愛人之
有餘前相國劉公居佐帝庭行恤一人隱侍御時賢高譽盛
府舊僚傳檄速駕江城風動當天心厭兵品物思理將束
資狼之口掩破骨之傷濡足而前化危為安此大丈夫懸
弧四方之志與夫窺身漁釣山林枯槁異日論也天下有
道貧且賤焉耻也今聖人在上夔龍宣力而老夫其心貧
賤得非人生窮達固有分耶方理舟潯陽追跡幽人解纜
網陵顛淳雖病痼齒衰而神王顛頽之中齊榮辱一視聽
是非哀樂無自入矣侍御忽告余行余知悒焉軫心豈紛
累未滌將悲亦有道且以簪擊茶甌歌而餞之曰江沅
兮雨淒淒洲渚沒兮雲低傷別心兮聞鼓鼙

送十三舅道遠序

前人

舅氏適越華拜送西階之下俟命席端舅氏曰吾交待物
鮑君夫玉待琢者也知我者鮑君成我者鮑君是以知
求琢於鮑昔子路去魯告顏生曰何以贈我夫贈人以言
古之道也况背楚山凌淞河覩會稽之險棹鏡水之波窺
禹穴之冥冥仰秦望之峨峨如不誠我汝將若何華拜手
曰柔而立咎繇所以成九德也寬而靜師乙所以諧五聲
也文犀明珠之珍伏於掌握之間此君子所以恢令名也
拜拜稽首

送房七西游梁宋序

前人

君子既學之患不能行也河南房敬叔其行之者歟我思
入之道其房君哉安親於羈旅之中講道於茅茨之下
不改其樂以文會之吾與房也顏子屢空曾參衣敝聞宋
之君子落落有奇節奇節發於仁義者也以顏曾之行求
仁義之均勉旃斯有望

送薛九遠游序

前人

士之舒羽毛宣聲調不在高位在有道自王允玄晏發左
思名盛當時價壓百代薛都鄉以夷澹養素以文章導志
自浙右游湖左一句一韻遍於衣冠江山爲之鮮潤煙景
以之明滅其餘情性所得蓋古人之儔歟南陽有畧兼有
道之高玄晏之道論其措意則王允左思豈其遠乎惠然
訪余告以行邁將棹溪吳越濡札江嶠東南勝事落爾

中况為諸侯上賓知大夫之官族古所貴勉之哉病叟未
遐叔贈

送薄九自牧往義興序

前人

中明檢而能曠年邁體衰而人罕知之陽羨山深水瀾海
幽阻而人罕知之以中明之玄姿默識陽羨之清漪秀石
人乎哉清乎哉之子所以為貴也詩者輔佐情懷其舊俗
則泰伯之讓德延陵之高風因是而阻王孫綠物而興之
遠也矣

送張十五往吳中序

前人

耶鄆遐叔風病目疾家貧不能具葢采爰以言自醫南陽張
士容引帽攝策晨告余曰雖耕楚田而無耰費相里杭州
刑部郎李君以道教我以文傳我將求軒翥於二賢可乎
余諗之曰嘗讀大雅羨張仲之德子其後乎欲而求仁愚
以為可今賢士君子多在江淮之間吾見二丈夫必開館
拂席珍相如之玉聲畫家之有無也不爾者人而不仁如
禮何人而不仁如樂何息言息言此獲麟之絕筆也

送觀往吳中序

前人

見觀送蘭州兄詩敬不踰節情而中禮是篇也得詩人之
一端矣先王省方命太師陳詩以觀人風固非遠嶠之松
雪清江之雲月變也久矣將如之何觀其勉之在昔蘭陵
府君高平樊公栢仁疑作人邑懿公兄弟三人有重名於
天下鉅鹿蘭陵之穆也故揚州孝公後之觀之世父也高

平焚之嫡也吾後之宣城文昭公栢仁之嗣也故中丞蘇
州後之夫知卿大夫之族姓班位之高下見貴春秋而此
道將亡自族之不知况他人乎觀於經感士丐鄰子之
德於史慕子長孟堅之自叙羈旅無書往吳中蒐以備
傳之遺闕附之於篇吾病矣老矣是行也慰我祇命幸偷
之心未忝二年四月庚寅叔父華序

送何萇序

前人

廬江何秀才棹流千里候余柴門執弟子見師之禮余竦
然自何德以堪之意者賢大夫賈廬州待余異等談余過
實是以致秀才神邁氣專文詞有調孤雲超忽迥出秋江
若游公卿間必成名然亦光湛廬擬物亦斷其發也
際而已用此申千里之報也何氏之先詰比于德通神明
受策阜昌世爲大官有勲有德遠追來孝亦以祝秀才也
元老趙公華參疇年之歡夫貴與尊議功論德不究其涯
秀才將奉郡之命宣方面之烈我思古人實獲我心

送蔣十九丈奏事畢正拜殿中歸淮南幕府序

賈至

天子以淮海多虞黎人未乂命舊相崔公董之公以封畧
所覆澄清是苗辟柱史蔣公作之如翰負風以石投水于
茲五稔方隅克定乃朝天闕將命述職帝用嘉之進其命
秋七月流火言旋幕府懿親良朋寵行惜別曰兵興十年
九州殘弊生人凋喪植物耗竭行者罹鋒刃之艱處者困

求奪之累豈不以違率之敗類使臣之無耻獨揚州一
人尚完聚屢遇海島震盪再當河南離叛亟供職役之繁
而室家相保耕績未罷得非崔公之賢乎公之賢而其佐
可知矣今朝廷多故戎狄未服塞門不扃人心驚駭魚
之般舳艦之富海陵所入也齒革羽毛玄纁璣組東南
膏也匡時之謨富人之術幕府所畫也豈伊方隅是賴得
不勉歟時臨岐贈言蓋各有望衆君子之志其詩乎

送于兵曹往江夏序

賈至

予謫居洞庭歲三秋矣有客自蜀浮舟來者則河南于侯
能讀古人書辨當世務年過四十猶沉下位爲靜者之尚
退乎先達之途賢乎與了金麗譙綠鳥嶼一時累月多情
嗚呼忽然挂帆告我行邁豈非窮轍不能濡故也馮翊太
守王公移鎮武昌好賢下士所以衣絳掖襲藝文者歸之
如川吾子東行謂得時矣

送李兵曹往江外序

前人

千里之馬維而不馭則意在空谷而遠思豈草累鷲之鷄
韜而不搏則心在窮徼而愈懷雲霄是以濟時命代之才
或湮淪未遇之士耿然在滄海之上扁舟之中矣李侯吾
將鮑子也我知其爲人立身清而廉從政敏而達內以孝
悌著外以信義稱嘉辰良宵疊疊清話又足見林宗高識
叔度宏量一命佐邑非以政學也再命環衛之曹非爲官
擇也徒棲遲下位祿未代耕是以去游鏡亭探禹穴水宿

雲卧彌年始還。又疋馬出關。纜舟洛下。念安石東山之
賞懷。子猷剡溪之興。何雲思浩蕩。而野情寥廓哉。予困於
徒勞。累在五斗。昇沉風波之裏。踟躇長吏之前。豈倉州遠
蹈之情。南陽躬耕之意。臨岐長酒。有愧長劍。想子行邁路
經夷門。見穎川陳蕪。河南千頃。爲問道心無恙。星鬢如何
宿昔。屢空復爲安邑也。予近得陰君祕訣之北方。河車郊
原近山。金鼎夕燎。秋來氣冷。爐火適宜。刀圭一開。與子携
手。

送孟校書往南海序

元結

平昌孟雲卿與元次山同州里。以辭學相友。幾二十年。次
山今罷守春陵。雲卿始典校芸閣。於戲材業。次山不如雲
卿。詞賦次山不如雲卿。通和次山不如雲卿。在次山又非
非學。詔然求進者也。誰言時命吾欲聽之。次山今且未老
雲卿少次山六七歲。雲卿名聲滿天下。知已在朝廷。及次
山年。雲卿何事不可勿隨。長風乘興。蹈海勿愛羅浮。往而
不歸。南海幕府有樂安任鵬。集作鵬與次山最舊。請任公爲
次山一白府主。趨資裝雲卿使北歸。慎勿令徘徊海上。請
公等。集作弟醉歌以送之。

文苑英華卷第七百二十

英華卷第七百二十一

序二十三

餞送四

送張玄武序一首

送王及之容州序一首

送譚山人歸雲陽序一首

餞副大使李藏用移軍廣陵序一首

秋夜送孟贊府兄還都序一首

春於南浦與諸公送陳郎將歸衡嶽序一首

秋於敬亭送從姪崇遊廬山序一首

江夏送倩公歸漢東序一首

冬夜於隨州紫陽先生冷霞樓上送烟子元演隱仙

城山序一首

金陵與諸賢送權十一昭夷序一首

春於姑熟送趙四流炎方序一首

送李侍御充汝州李中丞副使序一首

送王舍人歸壽春侍奉序一首

送祖評事赴黔府李中丞使幕序一首

送杜正字暫赴江陵拜親叔父序一首

送溫司馬進降誕方物序一首

送宗判官歸滑臺序一首

桂林送前使判官蘇侍御歸上都府序一首

送姜司戶赴宣州序一首

送李麟宰制都序一首

秦中奉送前涪城賀拔明府歸蜀序一首

送張玄武序

元結集無

乙未中詔吳興張公為玄武縣大夫公舊友河東柳潛夫

裴李安扶風竇伯明趙郡李長源河南元次山將辭讌言

悉以言贈上有勸仁惠卹勞苦之風下有惜離異戒行役

之諭一作論元子聞之中有所指國家將日極太寧垂休八

荒故自近年兵出滇外言者或曰西南少疲是以天子特

有命也將天之命斯未盡之孫殿蜀之遺民化於秦漢純

古之道其由未知無一作此為姑取廢也如德以

涵灌義以封植其教一作八一作乎不可固未必也

則曰保仁以敦養流一作其一作所勞示其所安無以

醜之當可然也。潛夫聞之，中興不樂，歎曰：吾嘗與朋友有四方之異，不甚感人。如今之心，多問其故，對曰：嗟嗟！予能有是言也。吾故感事行有幾矣，多無日。我四十於此，無日我時祿位下。我公乃復曰：當不失於三公之意，為異年觀會之方也。已敢戒行，後敢自清慎，終不貽朋友之憂。何如？於是醉歌中堂，極樂而已。諸公有贈，迺相編次。

送王及之容州序

前人

乾元初，集作中漫叟浪家下，滌溪之濱，以耕釣自全而已。九江之人未相喜愛，其意似唯叟衣食之不足耳。叟亦不促促而從之，有上及者，異夫州人焉。以文學相求，不以羈旅竟懼以相安為意，不以可否自擇及於叟也。如是之多，叟亦不致及能相遊，歲餘而去。將行，規之曰：叟愛及者也。或與言及方壯，可強藝業，勿以遊方為意。人生若不能師，歲初廷即當老死山谷，彼區區於財貨之末局，局於權勢之間，縱得鍾鼎，亦胡顏受納行矣。自愛耿容州，歡於叟者及見，集作到容州為叟，誦主人聞幕府野次又矣。正宜收擇，謀夫引信，才士有如及也。能收引乎？二三子賦送遠之什，以系此云。

送譚山人歸雲陽序

前人

吾於九疑之下，賞愛泉石，今幾三年。能扁舟數千里來遊者，獨雲陽譚子。譚子文學隱名，山野隱身。雲陽之呵世如君，何牧犢愛雲陽之宰峻，公不出南岳三十年，今得雲陽。

一峯下况譚子又在焉彼真可家之者耶子去為吾謀於

牧犢近峻公有泉集有山二字石老樹壽藤縈垂水可灌田一

夫火可燒種菽粟近泉可為十數間茅舍所詣纔通小

吾則集作則吾往而家矣此邦舜祠之奇恠陽華之殊異漣泉

之勝絕見峻公與牧犢嘗一二說之松竹蒲庭水石蒲堂

石魚負樽鳧舫運觴辭送譚子歸于雲陽漫叟元次山序

餞副大使李藏用移軍廣陵序 李白

夫功未足以蓋世威不可以震主必挾此者持之安歸所

以彭越醢於前韓信誅於後况權位不及於此集有者字虛生

危疑而潛苞禍心小拒王命是以謀臣將啖以節鉞誘而

烹之亦山集作前借鴻濤於奔鯨膾生人於哮虎呼吸江海

橫流百川左縈右拂十有餘郡國討集作計未及誰當其

我副使李公勇冠三軍衆無一旅橫倚天之劔揮駐日之

戈吟嘯四顧熊羆兩集蒙輪扛鼎之士杖干將而星羅上

可以决天雲下可以絕地維翕振虎旅赫張王師退如山

立進若電逝轉戰百噉僵屍盈川水膏於滄溟陸血於原

野一掃瓦觥洗清全口可謂萬里長城橫斷楚塞不然五

嶺之北盡餌虵豕四山文粹集本作盡餌於修地勢盤地蹙不可圖也而

功大用小天高路遐杜稷雖定於劉章封侯未施於李廣

使慷慨之士長吁集作呼青雲且移軍廣陵恭拜後命組練

照雪樓船乘風簫鼓沸而三山動旌旗集作旗揚而九天轉

良牧出祖烈集作烈蔣丞楚辭芳水之風氣振武安之瓦

海日文粹夜色雲帆文粹沈疇賦詩以壯三軍之士

白也筆已老矣序何能為

秋夜送孟蒼府兄還鄉

前人

夫七有飾危冠佩長劍揚眉吐舌激昂青雲者莫不

咸誇炫意氣託交王侯若告之急難乃十矢八九我義兄

孟子則不然耶道合而襟期暗親志乖而肝膽楚越鴻卷

鳳立不循常流孔明披書每觀於大畧少君讀易時作於

小文四方賢豪集作然景慕雖長不滿集作過七尺而心

雄萬夫至於酒情中酣天機俊發則談笑蒲席風雲動人

集作天非嵩丘之騰集作騰精何以及此白以弱植早飲香名况

親承光輝恩甚華尋他鄉此別誰無恨耶時林風吹霜散

下秋草海鴈嘶月孤鶴翔集作飛翔雲驚魂動骨憂悲漸而

執手緬邁傷如之何請各賦詩以寵岐路

春於南浦與諸公送陳郎將歸衡嶽序

前人集無

仲尼旅人文王明夷苟非其時賢聖低眉况僕之不肖者

而遷逐枯槁固其宜耶朝心不開暮髮盡白而文粹無此字登

高送遠使人增愁陳郎將義風凜然英思逸發來下專城

之榻去邀才子之詩動清興於中流橫文粹作汎素波而遙去

諸公仰望不及聯文粹作連章祖之序慙起予輒冠名篇文粹作賢

之首作者嗤我乃為撫掌之資乎

秋於敬亭送從姪崑遊廬山寺

前人

余小時大人令誦子虛賦私心慕之及長南遊雲夢覽七

澤之壯觀酒隱安陸蹉跎十年初嘉興季父謫長沙西還

時余拜見預飲林下崑乃稚子嬉遊在傍今來有成鬱負

壯集作秀氣吾衰久矣見爾慰心申悲道舊破涕集作啼為笑

方集作乃告我遠涉西登香爐長山橫城九江却轉瀑布天

落半與銀河爭流騰虹奔雷集作電激集作滾射萬壑此宇宙

之奇詭也其上有方湖石井不可得而窺焉羨君此行撫

鶴長嘯恨丹液未就白龍來遲使人著鞭先往桃花之水

孤負宿集作風願慙未歸於名山終期後來携手五岳情以

送遠詩寧闕乎

江夏送倩公歸漢東序

前人

昔謝安四十年卧白雲於東山桓公累徵為蒼生而一起

常與文公遊賞貴而不移大人君子神契冥集作冥契合正可

乃爾僕與倩公一面不忝古人言歸漢東使我心悔夫漢

東之國聖人所出神農之後季良為大賢爾來寂寂無一

物可紀有唐中興始生紫陽先生先生六十而隱化若繼

跡而起者惟倩公焉蓄壯志而未就期老成於他日且能

傾產重諾好賢工文即惠休上人與江鮑徃復各一時也

僕平生述作罄其草而授之思親遂行流涕惜別今聖朝

已捨季布當徵賈生開顏洗目一見白日冀相視而笑於

新松之山耶作小詩絕句以寫別意辭曰路入漢東國川

藏明月輝寧知喪亂後更有一殊

言歸漢東古本作興路入集作彼美

冬夜於隨州紫陽先生養霞樓上送烟子元演隱

仙城山序

前人

吾與霞子元丹煙子元演氣激道合結神仙交殊身同心
 老雲海不可奪也歷考天下周求名山入神農之故鄉
 得胡公之精宇集作胡公身揭日月心飛蓬萊起養霞之
 孤樓鍊吸景之精氣延我數子高談混元金書王訣盡在
 此矣白乃語及形勝紫陽因大誇其集無仙城元侯聞之
 乘興將往別酒寒酌醉青田而少留夢魂曉飛渡綠水以
 先去吾不疑滯於物與時推移出則以平交玉侯遁則以
 俯視巢許朱紱狎我綠蘿未歸恨不得同棲烟林對坐松
 月有所感歎集作然銘契譚石乘春當來且抱琴卧花高
 相待以寵別賦而贈之

金陵與諸賢送權十一昭夷序 前人

斯高柄秦嬴世不二三傑伏草與漢並出莽夷朱暉耿
 乃起自古英達未必盡用於當年去就之理在大運耳我
 君六葉繼聖熙乎文粹玄風三清垂拱穆然紫極天人其
 一哉所以風集作雲之集本文粹豪士散在商鈞四坐明
 昔昔清朝旅人吾希風廣成蕩養浮世素受寶訣為三十
 六帝之外臣即四明逸老寶知章呼余為謫仙人蓋實錄
 耳而嘗採姹女於江芝吹河車於清溪與天水權昭夷服
 勤爐火之業以矣之子也坤恬淵靜翰才文粹作峻發白
 每一篇一札比集作夷之所誤吁捨我而南若折兩翼

時歲律寒甚

集作甚

天風苦

集作枯

聲雲帆涉漢罔若絕

電舉目四顧霜天崢嶸銜杯叙離而群子賦詩以出錢

仙翁李白辭

春於姑熟送趙四泚方序

前人

白以鄒魯多鴻儒燕魏

集作

饒壯士蓋風土

集作俗

之然乎

趙少公

集作翁

才貌瓌雄

集作雅

志氣豪烈以黃綬作尉泥濘

當塗亦猶鷄棲鶴籠不足以窘束鸞鳳耳以嫉惡抵法遷

于炎方辭高堂而墮

集作墜

心指絕國而

集作以

挫恨天與水

遠雲連山長惜光景於頃刻開壺觴於洲渚黃鶴曉別愁

聞命子之聲青楓暝色盡是傷心之樹然自吳瞻秦日見

暮氣上當樓玉琴摧狼狐洗清天地雷雨必作自與白日

照照丹心可明巴陵半道坐見還吳之棹今雪解而松楸

振色氣和而蘭蕙開芳僕西登天門望子於滄

集作西

江之

上吾賢可流水其道浮雲其身通方大適何往不可亦何

戚戚於岐路

集作路岐哉

送李侍御充汝州李中丞副使序

任華

華州汝州兩京股肱郡也朝廷以股肱之郡非有股肱之

才者則不可造次任焉是以命華州牧燕御史中丞李公

亟乘轅於汝所以輟於華而急於汝者何蓋由華已致理

而汝又缺入久缺者何一易其遷故也然則州有兵而刺

吏為之使使不可以獨理爰命前監察御史李公為之副

清泗上朝周之路絕漢東封汝之心岐然長城蕃我王室

亦在副貳之力也且御史仲兄金吾將軍嘗處中司之姓
鎮於上洛之要地招我於芸閣之上假我以栢臺之榮
華甚厚同於骨肉華見侍御如見金吾方將遠別值年
大馬之疾不遂獲酒灑岸賦詩河梁魂銷暮雲心折秋
草而已矣汝穎自古頗多奇士荀陳令族豈無子孫君其
善待之無忘推遷至如公堂閑坐對三十六峯或青雲半
收或新月初挂當有佳句時時寄來

送王舍人歸壽春侍奉序

前人

太子舍人王良輔時人視之呼爲玉人我心重之有如瓊
枝今隴西公即舍人譚公一作候之親也公尤哀而憐之情

義同於長兄禮秩優於諸弟夫如是豈得爲萬里之別乎
以舍人急於倚門之期切以趨庭之戀若之何因留之

贈言贈言伊何莫過於勤孝立身伊何莫過於守正而已

秋天壓溟海白波走洞庭後期何日悵惘

一作悵惘後聲

送祖評事赴黔府李中丞使幕序 前人

自武陵守擁旄分闡有唐已來李公一人而已自非忠義
特達有文武才畧者曷以致茲公以黔巫之地西控微瀘
彭濮東接桂林象郡北漸巴峽南馳滄溟蓋蠻夷獷俗罕
遵聲教必藉於幕畫而詳延祖生豈伊異人即我府主隴
西公之嘉客也方將表於金闕而加之鐵冠適會有黔中
之命相繼而至夫天下之寶當與天下共之况黔中桂林
兄弟之國又何間然哉俾朝廷知黔中得人與桂林得人

何異出錢何許舜亭我峩凭檻窺龜鼉之窟酌酒滴魚龍
之背金石絲竹雖有秦聲青山白雲恨非吾土華承命製
序因贈以言不慮吾子以忠貞爲本又當指蹤不選地感
恩不顧身死見賢良則引而薦之勿憚勿疑見仇怨則報
之以德勿瑕勿疵吾常以此爲終身之寶今以終身之寶
贈君以謂何如也

送杜正字暫赴江陵拜謁叔父序 前人

吾見騏子齟齬之時愛其神清知其才清今果爾也頃漂
淪荆楚既孤且貧求食於誰託身於誰四海茫茫未獲所
寄及遇我隴西公獲所寄矣公以故人之子憐而收之去
溝壑而寄乎南山罷轉蓬而蔭於桃李君子曰隴西公在
不孤已今離叔父頗久蹙歸阮家之巷感知已厚
恩尋赴李膺之門華與臨別撫其背曰高門積慶無忘乎
事脩厥德大名難繼宜其自強不息念哉

送溫司馬進降誕方物序 前人

昔者黃帝生於壽丘文王生於岐陽數千年間以爲盛美
况我明主感龍而生如鳳之鳴黃河爲之清率土爲之寧
豈壽丘岐陽足云哉是以四方牧守咸獻方物用賀南山
之壽長居北極之尊今此邦使乎誰膺慎擇則司馬溫曠
其人也曠相門子溫其如玉五德備焉堅其如金百鍊成
焉既出車彭彭群公追餞於北郭草亭巖從群峯疊出
石透迤秋水下藏碧沙對此爲別歡酒而已

送宗判官歸滑臺序

前人

大丈夫其誰不有四方志則僕與宗衮二年之間會而離
離而會經途所亘凡三萬里何以言之去年春會於京師
是時漢如桂林衮如滑臺今年秋乃不期而會于桂林居
無何又歸滑臺王事故也舟車往返豈止三萬里乎人生
幾何而倏聚忽散遼曼若此抑知已難遇亦復何辭歲十
有一月二三子出餞于野霜天如掃低向朱崖加以尖山
萬重平地卓立黑是鐵色銳如筆鋒復有陽江桂江畧軍
城而南走噴入滄海橫浸三山則中朝群公豈知遐荒之
外有如是山水山水既爾人亦其然衮乎對此與我分手
忘我尚可豈得忘此山水哉

桂林送前使判官蘇侍御歸上都序 前人

桂林秦所置郡也南臨天池東枕滄溟西馳牂牁北走洞
庭地方三千里帶甲數萬卒實五府一都會矣連帥之任
朝廷難其人往年命御史中丞張公公號為稱職去年又
命我以佐之初張公受命之日以為五嶺荒服不同於他
邦百蠻礦俗不可以獨理乃薦武功蘇幹自秘書校書郎
除金吾掾攝監察御史以佐焉幹在幕中多所匡輔洎張
公家艱去職幹統其留務凜其正色操持紀綱而十州之
地晏如也洎如疑我公至止觀其迹而美其政將表請焉
辭辭以父辭墳墓不見兄弟已六年願得生入武關一到
闕下足矣公從之或筵於西堂或罇於東樓或饌於亭臯

高亭一作凡飲餞之盛未有若此之稠繆者也且予有善公為

揚之且予有功公為叙之予有患公為排之予有屈公為
伸之亦何異脫騏驎於鹽車擲秋鷹於天畔乃騰騁難料
擊搏在即亦足以快意矣且爾兄吾兄也爾身吾身也雖
萬里為別何別之哉雖然不能不愴恨儻見二相國當為
深陳江嶺安危之體焉料子必見潘庶子因登高把酒南
望千峯白雲離披橫在山畔與我疇昔所見豈有異乎由
是益令人思北歸命嗚呼公之公也公也公也公也公也

送姜司戶赴宣州序

前人

莫不伸於知已屈於不知已頃姜生以調集不偶薄言
告辭於吏部徐公素知其才惜其去竟不與之
別何授宣城椽得不謂小伸於知已乎秋天晚晴碧色
橫度一鳥時時行雲益令姜生有懷吳會况還家有
舊院之慶移一作趨齊有牒辟之命哉僕與斯人曾未觀止
其友人姜一作公正範與余善邀余序之範誠以我筆家流
則不知姜意以為如何也

送李彞宰新都序

前人

宗室後進有以學術辭藻著稱者彞也少好學通九流百
家之言善屬文頗有大節去年制舉不捷無何以書歷抵
二相國論安邊術由是召試西掖凡數十百人彞與莊若
訥高郢同入高等何垂趨於制舉而奮翼於西掖哉蓋道
之屈伸命之通塞各有時也執政以彞大人在蜀故授新

後進

都以榮之曩豈不欲高步臺省時時與朝廷群公談笑所以俯就遠縣蓋爲大人屈耳秦雲滿天倏聚忽散與子分飛亦爾也古人別遠貴於贈言子昔爲什邡令蓋鳴琴不下堂而理今領新都則異於彼焉蓋以廬井灰於焚蕪之後眈庶瘡於刀箭之未樹立存育洪惟艱哉况奔衝填塞晝夜風雨誅求供應旬晦山岳其親庶務則宜戴星而出戴星而入焉其接賓客則宜一沐三起一飯三吐焉此朋友之望也如月照雪峯花飛錦江當有新詩時復寄來念之哉李生

秦中奉送前涪城賀陵明府歸蜀序 前人

吾嘗以忠孝禮義清慎此六者士君子立身從政之道爾之者稀涪城兼之矣何以知之嘗糾余郡又宰吾邑之弁其堂以觀其政况不以編戶遇我而以國士待我情願交深貫於金石自我不見于茲五年長安相逢如自天落而喜可知也公以時命未遇一作駕言于歸南山巖巖分我鄉之南北秦雲日暮類吾徒之聚散况公之仲兄季弟與余爲忘年友涪水春風巴山秋月靡游不同又阻山陽之歡又此河梁之別二事交戰一作戰祗酒一作我心今紫微郎常公朝廷之訶伯而公之舊也君其請賦一詩以大誇兩蜀父老矣

送文苑英華 卷七百五十二

送文苑英華 卷七百五十二

送文苑英華 卷七百五十二

送文苑英華 卷七百五十二

餞送五

文苑英華卷第七百五十二

序二十四

薦福寺後院送新嶼尉洛郊序一首

送李審秀才歸湖南序一首

重送李審却赴廣州序一首

送標和尚歸南岳便赴上都序一首

送虔上人歸會稽覲省便遊天台山序一首

送魏七秀才赴廣州序一首

夏夜對雨送李玕擢第還鄭州序一首

崔中丞城南池送徐侍御歸京序一首

送成都成少尹赴蜀序一首

送吏部杜郎中兵部揚郎中入蜀序一首

送賀若員外巡按畢歸朝序一首

送韋員外充副元帥判官之東都序一首

送潁州李使君赴任序一首

送澤州李使君赴任序一首

送餘杭薛郡守入朝序一首

送孫侍御赴鳳翔幕府序一首

送王判官赴福州序一首

送洪州李別駕還任序一首

送常評事赴河南召募畢還京序一首

送宇文協律赴江西序一首

送常司直還福州序一首

送廣陵許戶曹充召募判官赴淮南序一首

送六合林明府清白名聞上都赴選序一首

送陳留張二十七少府郎東都赴選序一首

薦福寺後院送辛嶼尉洛郊序 任華

一昨渭北節度工部尚書臧公表薦辛嶼尉洛郊蓋知嶼
事親以孝聞與朋友以信聞於吏道以幹聞不然非所聞
也秋七月將之官乃胥命於此寺後庭蓋所以破臨岐之
妄想銷撫袂之煩惱也僧院少客蒼苔滿地終南曉晴洗
然無色日暮飲罷鐘聲傍出一作山贈言日子之叔父以清
白著稱歷踐臺省官至二千石于其刻已自勵無墜叔父

之風

操袂

操袂作參下同韓集舉
正云晉人草書參作操

送李審秀才歸湖南序

前人

乎西原之歲隴西李審自湘東來才甚清氣甚和節甚高
心甚高僕是以恨相知晚也秋九月又言歸於湘東衆
子出餞于北郭碧峯巉巖出於栢稍有如虎牙夾天而立
加以白日欲落挂在巖半橫照灘水月帶微明一作一操
帶微月操
袂于茲揮袂于茲恨無岷山片玉以相贈贈君桂林之一
枝審再拜曰幸甚

重送李審却赴廣州序

前人

吁嗟乎蒼梧之片雲或隨風而東或隨風而西片雲既知
是孤客亦如是也言歸湘東今日蘇秦與今日蘇秦不
同今日豈有二李生亦猶前日蘇秦與今日蘇秦不
殊耳所以然者何耶蓋斐然則進見幾而作明有志於四
方非疑滯於一途其中或有不得已之事亦不惟有也昔
孔丘嘗爲東西南北之人張儀亦爲燕趙齊楚之客其已
乎滄波遠天混和暮色孤舟一去曷日而旋歸哉

送標和尚歸南岳便赴上都序

前人

南岳有大比丘其名曰道標性聰惠一作惠
通用穎悟通於禪
門精於律儀善於說法該於儒術是以禪師伯之律師仰
之法師宗之儒流服之自登戒壇凡四十餘夏致弟子彌
漫於江嶺間不下萬二千人不然安得前後連率新舊晉
牧莫不嚮風稽首焉屬我中司隴西公方崇東流之法化

南越之俗是以惠然杖錫而公侍一作之禮敬甚厚前隴

西公曰維摩經不云乎法無往來常不住故金剛經不云

于應無所住而生其心每念雙林樹下將歸乎湘東郡又

憶王舍城中當詣於漢北闕公難違其意悵然久之乃命

幕中樂安任華為之序序云彼上人者甚為稀有方以嚴

若為舟而浮于洞庭以大采為車而游于京師皇帝深信

釋氏必將延入內殿問以必藏豈唯將相得歸依之地王

侯發廻向之心而已乎王死曰如吾言焉

送虔上人歸會稽 輓省便遊天台山序 前人

國書所載名山如天台者無矣故老萊遊于斯應真遊于

斯虔上人亦遊于斯老萊宗於孝者也應真崇於道者也

二公之美上人兼而有焉上人緇侶之澄肇詞場之流

讀盡貝葉能了於空淨如蓮花不着於水不然安得衆君

子禮敬若是焉言歸膝下以孝名為戒將遊物外而朗詠

長川豈徒蔭長松以隱身承瀑布以洗足是將採掇靈藥

搜訪仙經歸獻北堂求同西母也鏡湖秋月當見色空稽

山片雲能引詩興剡溪白鳥知爾無機雲門踈鍾訝君來

暮豈不謂然邪今朝贈別桂林花洞庭白煙濕袈裟虔上

人與君各在天一涯

送魏七秀才赴廣州序 前人

此邦詞客往來亦云多矣其有論詩則為詩人對酒則為

酒徒如魏秀才元稹者不可多得况爾允殿中侍御史萬

文苑英華 卷一百一十五

四

四

成吾友將爲遠別豈同他人江亭暮天勿辭一醉醉後解
纜則月照滄海猿啼碧山其柰爾何

夏夜對雨餞李玕擢第還鄭州序 前人

今年東都秀才登第者凡十數人隴西李玕爲之稱首且
宗伯方以按淹滯愍勤舊爲務而玕則年甫二十餘豈張
公意耶其如考舊文則上等試文策又上等欲以年少棄
可乎不可也朝廷由是翕然謂張公之用心也周選才也
當不膠柱於一途耳爰五月李玕將歸于鄭我中司李公
惜明晨東郊之別成此夜西園之會桐葉滴其踈雨竹枝
鳴其夕風夜酒既醉俾我亦爲之序

崔中丞城南池送徐侍郎歸京序 獨孤及

郎昔爲河南督郵河陽令其解龜也東人思其遺愛今
出入夷險歷二十餘集無此字載而一來廳榭未老佐吏半在

公位望章綬輝光城邑觀者榮之而東都主人亦以簞豆
醖羊徵會脩好之不暇凡萃止十有五日而去去之日主

入歎瞻仰集作之莫及也故又醜酒于此池池上有雙彩艫

與竹齋對布賓主位于罇之左右而蘭臺金闥建禮承明
之英十有八人序列其次池外有關塞雙嶺遙作外戶嵩
高逶迤數峯當窓伊洛春樹若刺繡布錦仙桃火燃顧我
則笑於是遊眺之不足則舉白以相勸而狂歌送之唱棹
鳴根簫鼓陳乎其間醉中疑三江五湖去人不遠謂千慮
萬事無非妄作况少別可以興愴乎但駟馬行塵明日將

遠登而無賦謂樽酒何足歌而詩之且以見追攀者之心

也二字集
也作志

送成都成少尹赴蜀序

前人

歲次乙巳定襄郡王英又出鎮庸蜀謀亞尹僉曰左司郎
成公可温良而文貞固能幹力足以參大畧弼成庶務既

條奏詔曰俞往公亦集無朝受命而夕撰日卜十一月癸

巳出車吉尚書諸曹郎四十有二人歎軒騎將遠故相與

載籩豆醖羊封羊鱠然脩飲餞于肅明觀以為好飲中客

有賦蜀道難者公曰工感遇則忘軀臣受命則忘家姑務

忠信夷險一致患已不稱于位於行邁乎何有言訖抗手

建節即路且以份集無作悅刀礪侍輕軒而西凡強學以脩

積行以取位赴知已不為名適四方不違親卿大夫之

孝也吾子其無忘可移之思將咨度是務使岷峨其人苛

憲不作天聽自民誰謂蜀遠別細故也豈薑芥乎凡今會

同非詩無以導居者之志

送吏部杜郎中兵部楊郎中入蜀序

前人

二公罷東西之集無曹草奏啓事之劇而參軍西南時人

或譏朝廷易其大難其細及以為不然方今天子命將帥

以守四方丞相秉鉞為唐南仲擇佐命介宜先才者賢者

事孰大焉彼採薇出車以遣後勞動我則異於是受王命

者不言勤赴知已者不捨離今日斗酒姑展交好遂以道

吾子集無四方之志亦使蒲坐歌二公乎

送賀若員外巡按畢歸朝序 前人

今年春上以富人侯為丞相百揆時叙九州賦錯方欲齊
職貢之法崇底慎之典使六府修九序成尚書吏部郎中
集無賀若公貞明直躬特達公器才足以懋功藏事政足
中以弘道救物故俾繡衣持斧巡撫江介分王命也公電發
神機霜淬智刃其始至也問諶俗省疾苦命司書視年數
之上下削邦縣之版圖實其衆寡以差井賦然後勞來安
集宣皇恩而煦之饑者如得食寒者如得纊使苞茅之貢
必叙而杼軸之詩不作冬十一月命群吏致事言旋于京
師且將捧府檄於南陔侍版輿以西上禮也夫其由自家
以刑國資事親以事君奉慈訓不廢陳力將君命不違色

集作以弭干戈將戢朝廷方以權
章程責成三府然操六轡驟四駱周爰咨詢以成天下
之務在是行乎翰飛方矚瞻望何及唯獻熟集作東閣弼
成大猷使蒸人粒海水靜農夫高枕及亦預焉九拜首集
于路岐者請偕賦鴻鴈取之于征劬勞于野爰及矜
人哀此鰥寡以為善頌

送肅員外充副元帥判官之東都序 前人

太尉臨淮王之秉旄淮沂也天子命公為介洎臨淮薨而
相公集作太原公繼授兵符盡護東夏集將亦表公參成
周軍事如初命故事官至左右掖垣不集傳不就集
作登掖垣者不就將使其能必易其秩故自左補闕集
居諫臣者不就

尚書即元年仲春始以使節赴洛陽經大盜虔劉之餘頑
民雖遷汙俗未返三軍之心注於帥帥下帥字集作帥非之耳目
屬於參佐以公貞諒文敏能恤大事且成宣之後也故以
部從事咨焉夫民殘則訛訛則流禁流莫若以德兵不戢
則翫翫則暴禁暴莫若以信建信與德以為幕中之畫
吾子是冀將賀不暇別於何有我飲餞者姑以詩代路車
乘馬

送潁州李使君赴任序

前人見集本

公之為潁州也朝廷以不失人為明潁人以得父母為幸
公獨以去色養為戚故執事者難之其為公謀者則曰受
命忘家公也愛親讓祿私也君子不以私廢公不以家棄

國家方親親賢賢而當視人俟師長之日可以此時
為禮而緩君命乎公曰諾然後明日朱兩轡而東竭力
致身之誠於是乎全矣方當輯寧渡人襦而袴之宜其大
正事而小行後豈徂暑之熱遠道之思與前期之難足攬
曾臆賦詩勗別于以特贈

送澤州李使君兼侍御史充澤潞陳鄭節度副使

赴本道序

前人

今歲皇帝擇可以守四方之臣分命大司徒涼公作藩沂
集作陽平秩西夏涼公季宗曰抱真故事好學仁勇忠信
凡仁則不偷勇則不荒忠則能宣集無力信則人任焉故
天子器之方倚以重爾使之宣字縵厥有衆董次將之任

且以柱後惠文冠冠之詔下之日軍府胥悅蓋蕭何守關
中舉宗詣軍而涼公荷方郡英華有南字非之寄亦以愛弟居東
旅于行間忠之大者夫高平上黨之地趙魏燕代潞之咽
喉太行恒山為之襟帶公居有專城之任行有亞旅之職
其畧足以固其封疆其惠足以柔其民人勗哉夫子進吾
往也伯兮仲兮執兵之要謹身以肥家自家以刑國高平
之政可以未行而窺矣彼瞻望佇立壯夫耻之非歌詩莫
足以贈

送餘杭薛郡守入朝序

前人

有大道者遺小成之迹抱宏畧者非曲士所見公嘗以匪
躬之故三入承明時議用舟楫期公者七載矣而猶建

河濡洗憤江島興貝錦之歎詠跋胡之詩豈不以名至盛
德至廣而厦材多節曲道若類英華作類非乎今天子受宣室

之釐忽思賈誼以謗書之篋先示樂羊且搜玄珠俾諸冊
闕則巨鱗方縱未可料也雖欲抱黃老非子之術與赤松

子遊公噐所歸難乎免於珪組矣夏五月弭棹睢溪脂車
而西火雲成峯郊草如織誰謂秦遠跋予望之有以見升

青集作赤霄捧白日在此行也謂攀四牡者各賦南山有臺
之四章取樂只君子德音是茂以為志集有少爾二字

送孫侍御赴鳳翔幕府序

前人

右扶風之地跨枕隴蜀扼秦西門帝命司徒為方叔開府
之日搜賢自貳於是孫侯以監察御史領司徒掾夫子卿

族也。用文學績緒而弟兄皆材。伯曰：宿以秋官，即辟丞相。府仲曰：絳拾遺君前及余爲寮，夫子則以貞幹，幽恪之能。入主方書，出佐戎政，花萼灼於三臺，時人榮之。二月丙午，乘傳詣部人，謂扶風於是乎有三幸，獲白額而南山有採。藜藿者一幸也。先是司徒於南山擒賊帥高玉今夫操兵者如虎而司徒仁而愛人，二幸也。其府君則賢其幕府，多上而孫侯懿之以文德，三幸也。恪於德以臨事，度於集作其義以從政，力於忠以成績，吾子勉之。其茂不濟矣。士爲知己者，用豈干榮乎？請居者歌之，持貺行邁。

送王判官赴福州序

前人

公辭鞭棹，茂於深山，不能逃匿。石之顧賢士，君子晦於言，述不能使人不知其勢然也。之子言忠信行篤敬，以文雅麗則括而羽之，而世皆觀頤。我獨儉德，吾固知長風六翮必有時而去。及御史大夫李公之命介也，辟書四下，果以嗣宗爲首。歲二月，載驟四駱，脂車而東。閩中者左溟海，右百越嶺，外峭峻，風俗剽悍，歲比饑饉，民方札瘥，非威非懷，莫可綏也。議者其謂君臣戎幕，以義佐師，律以禮報國，士以直道罷人，以德使安危，懸於指掌，勝負決於談笑，則咨謀之道弘矣。豈椎髻殊俗，覆車畏途，足爲志士之怵惕哉！凡我出祖者，亦既偕賦。

送洪州李別駕還任序

前人

別駕者，集作以嘗宰三縣，佐四郡，未始不以廉直爲已任。亦

未始以廉直銜已名仕有餘力則寄傲於琴趣遠是以曲
高意精是以聲全得於心而形於手故非外獎所及當其
操絃如操政焉時人知其琴不知其政善而無伐光而不
耀故也今也來思集作斯上台解榻卿大夫士從之如不及
時因觀操縵之妙可以見從政之道是行也吾子其懋脩
乃德恪儆爾位夫亦將抑與不暇求於何有繼揚二字集作唯揚
郢音明且將遠廬峰溢水大江間之風景可同而聽不可
共由是衆君子賦詩以壯別且曰備折楊黃集作皇華之韻
用抒他年之相思

送韋評事赴河南召幕畢還京序 前人

白唐蒙司馬相如開牂牁漢書作牂零山於是西南夷君

長婚受漢印及國家綬以大道振以長策滇越印焚世亦
皆為外臣蠢茲六蠻獨抗王旅天子方將開外戶掃絕漠
故授相國衛公鉞俾出作方叔入為吉甫且募如貔之介
士將剪長蛇之速飛由是分命我廷尉評事常公實佐其
任公以止戈諭之採薇歌之使政有典則人知義所故燕
齊少年韓魏勁卒召募如景附赴敵如焱馳自春至于是
月受命羽檄之下凡萬八千計然後頒賜筭級將朝于京
師夫勤王集事之謂忠周爰咨詢之謂智復命而不愆集作
非潛千素之謂信姑樹三德載馳六轡行當以柱下之書集作
幕中之畫是役也冥冥羽翰非瞻望所及矣請俱集作賦
以知魏風

送宇文協律赴江西序

前人

復周正之年天子以潤州刺史張公林集作休為豫章牧

守豫章之人既庶且富部從事縣大夫缺而不補先以勸

徵協律於會稽時人皆賀豫章之得賢協律之遭遇君子

則曰夫子刃有集作之餘地不啻切玉割集作割小鮮而用其

鉅無乃不可乎夫子曰不然蓋其不患秩卑而患已素養

不忠國士之不我遇患遇之而不吝苟有用我者吾其為

執射乎於是舉帆西陵是日干邁然後知大夫之感義而

不私集作思其身也干越集作于長路江臯暮春沉吟秦山

凄愴鏡水豈不知今日斗酒明旦不共顧懷安敗名無勇

也怨別傷遠非丈夫也苟將申其道而成其務則萬里咫尺

別何有二三子其詠歌之以代雜珮

送常司直還福州序

前人

送別非難行路難行路非難相逢難始者與吾子會于撫

以吾一日長乎子子嘗敦弟兄之好而不吾先自雲摧雨

散凡四悲秋而一會面亦既道舊別又繼之斯亦可以愴

矣然君子患德之不建集作建不患人之不我知吾子克慎

厥身以荷先大夫之覆露實然將命為邦司直被服文行

而鏃礪之揚其家聲吾唯子之望豈行邁與聚散足貽志

士之忻感乎是別也祇以歌詠貺吾子而已

送廣陵許戶曹充召募判官赴淮南序

前人

再驩不庭三年矣王師戒嚴將問罪荒服於是上將分職

慎選乃僚以許公有持斧舊名斷犀餘地故授以戎政俾
發卒于東夫三河之人豪全齊之人武荆吳之人悍籍其
餘勇可以盡敵信以致之緊公是賴然則諭王命敦師律
度程以料民徵騎以濟衆歌事以遣後輯謀以定功在是
行乎高天晚秋殺氣動地靡靡岐路悠悠旆旌送離如之
何賦小戎以爲好

送六合林明府清白各聞上都赴選序 前人

今之爲邑者祇事趣辦而已矣之子獨以公廉不苛聞於
朝廷夫公則能廉集作力廉則不苛集作苟不苛則無害六合

之人飽是三德故家肥人讓而名隨之集有宜字其黜陟考績

亦作之日首冠英華作守官非賢能之選也宜哉上方勤恤人隱

渴及吏如不及之子令問將與位借行當見函洛春物迎
馬首於千里之外勿謂無城衰草足恰遠別二三子何以
持贈其歌詩乎

送陳留張二十七少府鄭東都赴選序 前人

每歲孟冬集作春大家宰憲象魏之法以官民材天下髦士

於是乎雲屯詞峯角立口刃今子投袂而起將鼓行乎其
間以嚴樂之材力利商口之衆寡集無此十二字其於湛廬發矟

批卻如玉繁弱在手捨以則獲者吾惟子之望當知君子
廣其業達其道則榮譽在任可得而捨區區秋風瓊瓊岐

路又足爲志士之感哉十遠道足爲志士之感哉集作雜珮可
以申求懷罇酒可以慰則緒其贈言之分顧謂集作座者

文苑英華卷一百一十五 送別類 三

志之

[Faint bleed-through text from the reverse side of the page, including characters like 志之, 送, 渭南, 劉少府, 執經, 赴, 東都, 省, 觀, 序, 一, 首, 奉, 送, 元, 城, 主, 簿, 兄, 赴, 任, 序, 一, 首, 送, 開, 封, 李, 少, 府, 勉, 自, 江, 南, 還, 赴, 京, 序, 一, 首, 送, 弟, 恂, 之, 京, 序, 一, 首, 送, 李, 白, 之, 曹, 南, 序, 一, 首, 送, 薛, 處, 士, 業, 遊, 廬, 山, 序, 一, 首, 送, 張, 處, 士, 申, 還, 舊, 居, 序, 一, 首, 送, 史, 處, 士, 歸, 滏, 陽, 別, 業, 序, 一, 首, 送, 張, 徵, 君, 遊, 江, 南, 序, 一, 首, 前, 夏, 于, 越, 亭, 奉, 餞, 常, 卿, 使, 君, 公, 赴, 婺, 州, 序, 一, 首]

英華卷第七百二十三

序二十五

餞送六

送渭南劉少府執經赴東都省觀序一首

奉送元城主簿兄赴任序一首

送開封李少府勉自江南還赴京序一首

送弟恂之京序一首
送李白之曹南序一首

送薛處士業遊廬山序一首

送張處士申還舊居序一首

送史處士歸滏陽別業序一首

送張徵君遊江南序一首

前夏于越亭奉餞常卿使君公赴婺州序一首

仲秋奉餞蕭郎中使君赴潤州序一首

送張都督赴嘉州序一首

送王郎中赴蘄州序一首 送李員外入朝序一首

送峽州劉使君忠州李使君序一首

送賈中允之襄陽序一首 送太子僕馬公序一首

送趙評事赴東都序一首

送譚正字之上都序一首 送劉協律序一首

送紀奉禮之容州序一首

送李校書歸江西序一首

宴餞崔十二弟校書之容州序一首

送蘭舍人蕪武州長史序一首

送蘭侍御史還序二首

送渭南劉少府執經赴東都省觀序 獨孤及

彼狗名者遭時多故乘地高勢罕不爭先着集無鞭而集

而務飛速以誇當代獨吾子以文行裕盡思不出其位奉

籛金之所遺羞地芥而不拾其初筮仕集作也典校秘書

秘書之職修尉于渭南渭南無靴政歲二月以紛悅觸燧

歸觀于洛白華之戀也和氣用事春物滿眼之于于征五

綵其服想成臯花合穀洛水大是吾子拜嘉慶問清高之

日歟夫克家而家肥策名而名彰居官而官辨孝之大者

則貂蟬羔鴈在子外府姑務遠圖何嗟少別到洛陽為我

寄聲謝鳴臯故山杼離如之何詩以贈遠

奉送元城主簿兄赴任序

前人

往歲兄之尉鉅鹿

二字集作匡

德刑成禮義舉批政杜柰綱緝

人曰蒞民如此其達

一作志

必大十四年春王正月再命于

元城元城地雄人悍土壤賦錯處宋衛中山燕齊趙魏之

都會三川輻湊四術轂擊兄方以德舉吏此大都

集作邦則

千里之迹兆於是矣彼徒勞者其騫翥之濫觴乎歲物已

春秦山草綠

集作日綠

亦既撰

集作選

吉駕言徂東豈不知棠棣

之詩廢則和樂之詩

集作好

缺盍使伯氏仲氏偕詠歌之以

贈行邁

送封李少府勉自江南還赴京序

前人

世或謂邦有道穀或謂全於德者不以徇名降志彼於致

命德數數然孰與李候兩忘而昭合之張其天機與道出

慶道長則陳力筮仕績成而退藏於密戰勝江海之士然

後乘歸流而返舊京乃知凌雲麗天則切玉利器於夫子

為鄧林之一葉耳而精微純粹豈中士所能得其門哉然

當今堯親九族契敷五教材之美者工將度之子雖忘機

機未忘子庸詎知泥蟠沙卧不為雲霄之鑿柄乎但蘭舟

桂楫倏忽鳥逝朔風

集作方

秋草柰離憂何緣情者莫近於

詩二三子盍詠歌以為贈

送弟恂之京序

前人

蒼龍居玄枵之歲與爾吹填篲於長安靈臺之下當時爾

方青衿余適紈袴各志小學相期大來其後爾以經術薦

遂觀藝乎集作光於上國余牢落兩河為病所繫星分兩散十
有二載中間雙携手一笑者及今二三年五字集作昨日
遊寓今成疇昔此會綿邈空在集作存夢想豈不欲申橘柚
之性詠和樂之什樂未終也別又繼之然君子脩誠則物
應克已則名彰爾能珪璋特達甲冑忠信致逸足於千里
吾有望焉方務遠圖何嗟少別到秦地有問吾事者為報
江湖間心

送李白之曹南序

前人

曩子之入秦也上方覽子虛之賦喜相如同時由是朝詣
公車夕揮宸翰一旦襍被金馬蓬累而行出入燕宋與白
雲為伍然則適來時行也適去時止也彼碌碌者徒見三
河之遊倦百鎰之金盡乃議子於得失虧成之間曾不知
才全者無虧成志全者無得失進與退於道德乎何有是
日也出車桐門特之集作將駕干曹仙藥蒲囊道書盈篋異乎
莊鳥之辭越仲尼之去魯矣送子何所平臺之隅短歌薄
酒擊筑相和大丈夫各乘風波未始有極哀樂且不足累
上士之心况小別乎請偕賦詩以見交態

送薛處士業遊廬山序

前人

薛侯敦於詩固於學敏於行時然後言言而寡尤口不言
祿祿亦不及識其真者也集作以為未歎而薛侯居之澹如
君子哉若人也方以城市鄙於丘壑倦遊不如嘉遯是月
也拂纓上之塵西遊廬山山上有峯頂大林下有東林西

林化成

英華作城非

遺愛六寺慧遠道生二公昔嘗眷戀於斯

焉履痕屐齒遍滿崖谷神期盼蠻恒若對面之子之往獲

心契矣苟藏器於身時行則行大之將來隱顯一致彼安

貞者其或有

集作爲

利涉之樞機乎趙補闕驊王侍御定張

評事有略各以文為貺記行邁之所以然余亦持片言用

代踈麻瑤華之贈

送張處士申還舊居序

前人

海水不揚波久矣故昆蟲草木得遂本性夔益巢由

集作許

各安其節天鍾靜於子而博之以文洞

集作大

壑無底虛舟

任觸世皆尚白獨守太玄顧流俗而不言退將脩乎初服

吾於是見全人之操矣了

集作乃

知白雲上下蓋無心自出

去當有時而來他年孤舟冀再會於五湖之口

送史處士歸滄陽別業序

前人

初史侯至是

集作自

帝丘僕方醜酒於蔣氏之館揖讓堂下

出東階升於是一酌而賓禮舉再酌而交態接三酌而威

儀幡幡深衷畢見醉裏

集作中

投分客中忘形吾固知握手

難常嘉會可惜其聚也言不浹日而意氣感其散也興未

及盡而離憂至則臨觴徒倚孰能不以之黯然窮陰欲臘

漳滏冰厚班馬連嘶歸雲無色非詩何以見離群者之志

送張徵君遊江南序

前人

初貞元二年進賢星明於是夫子與廣陵馬魯俱以玄

辟焉一命而俯受服赤屨之下子守

集作其

節不奪歸耕商

陽議者稱馬之利用陋子之獨善及以爲不然君子之道
舒之則雲蒸雨降以救大旱卷之則天倪道機不盈一稊
姑務忠信以安聖時則歌國風於畎畝是亦爲政有民人
焉有社稷焉何必薄遊然後稱德至是夏六月以菘菜之
興扁舟而東是行也與夫乘桴揚舲者不同日矣津樓望
極集作直望江漢在目少別非志士所悲深衷豈短章能見
源秋至僕當舉其仙實侯子於武陵之南溪

首夏干越亭奉餞常卿使君公赴婺州序

劉長卿

今年春王正月皇帝居紫宸正殿擇東南諸侯以我公爲
少光祿自姑蘇行春於東陽愛人也頃公之在吳值歲

牛集作牛斗波動滄海塵飛金陵公夷險一心忠

勇填氣四面皆敵姑蘇獨靜卧甲霜天洗兵寒水竟使浙

西士庶不見烟塵公之力也朝廷聞而多之以爲姑蘇之

人已理東陽之人未化是邦一作拜也宜哉卿月既明仁風

載清出入數藩從容九棘在虞秦而皆智豈滕薛而異名

頌聲洋洋實此行矣干越便道金華前山梅花過時槐色

獨集作猶在白雲芳草盡入詩興公實秉文律集作特爲詞

雄逶迤退公知八詠之有繼作矣

仲秋奉餞蕭郎中使君赴潤州序 前人

皇帝臨軒旰食憂濟在人擇良二千石與之共理民有瘼
苦得以安之吏有侵漁得以去之爲風化之本繫黎元之

命不其難哉故內外闕官自卿大夫已下多責成元輔
剖竹分符寄決在禁中又以政貴有成化難數易至於
超異公論當徵但增秩賜金或移典大郡而已由是
蕭公建隼茲地化行五年漢庭群公方待以右集作職而
竟有南徐之命蓋天子憂遠人而緩徵拜也公才可以濟
物德可以化人五行之用備四時之氣足不立法而去弊
不示禁而止奸寒者有衣饑者有食百城萬井若百集作
草之得陽春亦不知其所以然而然也詔書既至公乃向
關北拜腰章遂行南徐之人望公如歸此邦之人去公如
失千騎照路出於東郊男女蒲野壺漿更奏泣涕以送集
涕泣邀避以番或攀我車或維我舟臨風鳴笳慷慨高秋

是

集無此字

謂有古人之遺愛矣凡工文者得無詩乎

送張都督赴嘉州序

于邵

人之平康由我以專達否則政弛人何賴焉在昔漢宣
帝懷至理思與二千石之良者共之一作竟探其元以化
天下非道熙陟降聖際天地一作人則不可膺是高選尚書
左僕射冀國公審才以底用論定而後請將欲更蘇息復
整齊且如張公無出其右繫受授則為潛怛彼嘉陽之人
所益多矣况學致廣大心自精微議道置法若示諸掌一
舉雲翼三十為即分兵領部義然後取公以之才大時論
用少以今之多艱乎謂用大則用之大用小則用之小在
我而已抑無情焉良月撰吉輕舟既具長空青冥未有葦

落縱騎百從載旌而前戈矛生風左右如武且犀難古也
懸草外虞通波萬里并客攸攝其無以易者盍思無邪
警察為心望此行矣大幕邀餞三軍助較一作樂只君子
如何可忘而後利涉信宿人歸父母其顏渥丹下令如素
受教賜知常謀始疑不浹年而國賦足軍實倍啓迪恢遠
為諸侯雄

送王郎中赴蘄州序

前人

大君當宁之七載也日月會於降婁有詔尚書倉部郎中
王公恭寬敏惠出典于蘄蘄之上有革車外賦有牙幢率
領思與良二千石共理者朝廷久之亦既俞往允茲會屬
曾未浹辰抗手言邁惜此別易合宴公堂期其出郊于以
遠且觀坐彼一方困于無告誰為禁暴聞公知歸非非
人則不寧政無從則奚藉今所往者人安之哉公之下車
曾是為念以公之素範不敢言利因公之善價無乃近名
惟名之崇惟德是累將善救物繫公冀焉然後導達其和
發萌以慮化行無二當借寇恂理平第一更徵黃霸他日
之會賓寮有光悠悠旆旌灑灑春物想青林之漲水見黃
石之平磯佳興未孤前朝猶邈賦詩追餞者翰林之故事
吾何間然

送李員外入朝序


前人

食租衣稅王者之常賦自至德改元之後兵連天下軍用
仰給四方諸侯各有戎事將發內布外而王命急宣不咨

皇華無以專達前十數輩皆課登而旋今尚書戶部郎本
公中朝駿選次董斯任以西蜀最大南踪多賈委之斯來
于以藏事是以數年于茲卒多前功冀公憂國忘家一心
同德方錫貢以納貺度於常筭故泉穀之分必先此矣遠
疑作于上京然及方鎮遂能入者億計行者接武秦郊不
關持此更費冀公之勤其國本也如此李公之達於時用
也如彼使乎誰務將膺對敎挾兩際以戒途歌四牡而復
命北驛開錢中軍寔私蒲院香風雜花潛送廣庭張樂妙
音交作冀公以請召未許送君先擬我心如馳不敢留止
行復題已赤管俯伏青蒲答天子休命當使臣之始賞者

送峽州劉使君忠州李使君序 前人

國有戎事今茲十年外姦內宄略無寧歲是以人之思理
不教而然者又矣夫非良二千石則無以光昭帝俞勤恤
人隱自邑居蕩析牧守承弊中和頌聲斯道寢息今皇帝
之臨御也嘗垂意於理道夫能官人則能安人爲官而擇
人俾受夫賴尚書駕部郎中劉公司門員外郎李公分命
之拜中朝駿選劉公之舉也以宣慈惠和李公之得也以
溫良恭儉咸推大略仁而愛人文學政事家邦必達矧茲
備隅由我專制苟利於物其可易乎然後理兵期於知禁
求瘼在乎不擾擇流愷悌汜可小康豈潁川之姦黨散落
濟南之畏如大府而已壽星之會涼秋八月言辭北闕將



鷺南轅借疑作王馬之不留合六官以追餞乃卜勝撰吉
咸集于吏部郎元公之居室地遠朝市家藏水木納終峯
於宇下道漆園於方外風廻景泛匪寒匪燠入室而芝蘭
襲人趨庭而珠玉交輝琴言自清座右必誠夫然則行者
可以慰遠道居者可以依翰林二公於是撫席而言曰西
楚風殊東巴路迥高堂雲雨遇荆門而可見皇州冠蓋別
瀟水以長懷多謝故人醑我以酒寵我之作群公何謂以
不腆斯文遂冠于篇首愬南宮之賦者凡四十有六章次
之爵里亦當使君之佳傳云

送賈中允之襄陽序

前人

孔宣父說儒者之行有自立焉有近人焉有交友焉研精
六藝較明舊史冠天人之際探得失之源非自立歟仗義
而居立信為寶難得易失不謀苟合非近人歟終始之要
膠固也患難之失身命也益者損者吾其擇焉非交友歟
夫然則道之將行周流四海而無匱者庸可既乎頃年隱
廬山之霧去秋舉湘江之帆聞有道而來終有得而去所
合必義所依必仁凡諸揖奉惜此言別累卜勝踐屢邀醉
心雖雲蒸霧毒猶勝炎風而踈桐衰柳亦傍秋色時之所
感事有攸會切於覲問而速是行者則尚書季父領鎮南
之軍伐淮西之叛方除天地之害載戢干戈之威用重望
繫人渴日為久與尚書備相知之分憶昨執手于今三年
負累遐荒莫由展禮南北不援我勞如何願即寤寐之勤

永奉通明之德

送太子僕馬公序

前人

嘗讀舊史氏見汲長孺之為人與之並生其時則隨從長者不敢避風雨况今之有人而捨勤乎太子僕馬公骨鯁端莊則如此而布和展惠信而好古煥乎其有文章則汲生之所不及明矣方將搏空直上高視廖廓秉尚父黃鉞登范睢青雲顧夫蒼生不為負矣屬群盜未息四郊猶虞春闈無事冬日可愛故自南自北從諸侯遊如竹箭之有筠雖霰雪之奚及未可量也予固不敏奉以周旋幾合獻酬之禮且陪文酒之事青溪白雲引我歸思槭槭寒水颯颯水岸道勝獨往高歌以行夫至人達觀物無不可出則雖金組入則狎華蘿蓋與時消息在我舒卷群公悵別剛如之何

送趙評事赴東都序

前人

大盜既滅東郊遂啓前馳龜蒙左夾遼碣過數千里革戎反華彼阻戎之餘承復禹之慶駿奔走滌怨思兼諸匪人因得請命連踵闕下歸甚忘亡一作志是以身田一作身筐之貢不待錫而至者已紛組一作紛於長府申命職方郎中榮陽鄭公達于伊洛以惣其事夫劇不可以專精故資於命介道且求於兼適必託乎至公大理評事天水趙侯當交辟之下膺至公之選罷戎西府受詔東周虛舟出不繫之外景鍾為待叩之用故士君子隨之而不避風雨則

文行忠信不其末一作美歟鳳翔尹兼御史大夫高公勤於
容禮迫此王命曾是公器與時共之追鋒告行惜別而已
行軍司馬侍御史李公王帳居左金樽叙離群公當筵相
顧不足白日陶暑青槐好陰牙幢宴如亦既醉止左右歡
甚詩人興全爭論逸價特以餉趙故拜命之辱輒冠于首
篇

送譚正字之上都序

前人

皇上御寓之明年布和發號其在野無遺賢將以啓迪理
本蓋古先哲王之前大者分命十使周流天下弓旌一舉
潤陸其空戶部侍郎趙君故得譚子於瀟湘矣譚子受薦
不拜趙君當薦不避朝廷官之不疑君子悅是三者之備
也者而一作其至矣哉况恭懿明允文為在禮發言有意
臨事不一作無惑可以入備顧問出咨典謨豈止祖述六藝
指歸舊史栖遲龍樓之下寂寞鉛槧之間哉僕孤奉盛明
黜佐藩徼不自意而邂逅相遇念一老而得之周旋嘗與
語一作話言為我消息日月之會時惟季冬星迴于天歲且
更始曠慘一作驟蕭索長年所悲豈堪伊人告我以去方將
背九疑之積阻泛蒼梧以連海經界于分疑廣合于上都
謁崇明馳象魏講舊於知己從事於吾黨雲霄之外自此
而階遷客者何叙之而已

送劉協律序

前人

予唐德年三掌注起居建中初擢修國史討論之際嘗覽

周朝作相奕世載德名列於紫微傳於青史者今協律劉侯之先歟協律富有文采挺然秀拔懷長策以待時感知已而為用似續以才而不階門戶求合以道而不憚風塵士君子之行有足多也零桂雖秋涼風未至江山縞邈言出東路帆席悠悠指途南海南海有國之重鎮北方之東西中土之士庶駘連轂擊合會於其間者日千百焉况中丞元公載緝斯人言愍其旅金節始按休聲洽聞求賢重官方賀封往疑老夫病矣負累杜門幾煩相問挹我以禮媿無風水之便且有登臨之別行矣自愛吾無間然

送紀奉禮之容州序

前人

紀氏之子曰文楚資於事母敬以愛無則百行可知博於好古而功業者則文采可知丈夫於代能有是而無倦加體道以自牧出入中外身無擇行為不達者未之有也頃屬世故家貧背胡越嶺執爨以養當車就安人皆知之用是不乏所以長者繼轍來者升堂既榮於親又悅其子甚大慶也夫時有通塞事有從宜親安道存適則為可容州經畧之府南據交趾北達蒼梧李郎中受委中朝聯典大郡凡有化理悉為世程紀子嚮風慕義不遠千里釋板輿却輕舸晨飡夕膳不改舊物從一樂土之一樂土誰其間焉郎中之愛子良鈞業擅家寶官登王畿美秀而文芝蘭可襲吾子一見足以滌塵慮慰客遊與諸子之得子亦何以異也行矣自愛時興元大赦之仲春桂林遷客于邵之

別序云

送李校書歸江西序

前人

與子中外表也親之至也異姓莫先睽隔不面老而方合

可謂一作長歎息矣曷期遠會于零桂之間哉大火之交

南秋可畏其歛如蒸其華轉鮮昏霾而禽鳥欲絕曦赫而

薄鏘無措易練不足以禦流汗並燎不足以敵炎氛一作

予遷容也是甘其艱子薄遊也何在斯弊况依藉門戶本

儒家之文行總習陰陽乃王官之武備聰明精密道不苟

合真吾人之並者也以世多故始家廬陵悲鄉國之眇邈

想丘園以蕪沒羈旅南土復何言哉季子無金未下妻嫂

淮陰寓漂終取王侯無以風雨為晦無以名位自薄一作

何其乃光乎予屬湘東之命子有滄西之後非適之適

我勞如何雲天茫茫行矣自愛

宴餞崔十二弟校書之容州序 前人

方伯廬公因牙門之清淨闢前館之爽塏乃命宿設具牢

加籩言邀故人以寵行也清河崔子曰真源嘗典校石渠

應諸侯之聘踐言勵行積學素藝一作而建中初天下文

明懼乎遺逸黜陟十道君舉先在有詔集於京師將以更

秩既而容管經畧處置使隴西李公從而請焉荷歟真源

以受命底祿已利也以從人之求國務也身不可先於國

祿不可急於求翻然迴車假道于桂廬公執疇昔之好惜

今辰之別朝陽初升賓筵始合子夜云艾主賦未晞鱣解

交飛而取樂墳荒相協以奏雅盧公意未之盡將命以篇
顧謂遷客曰罷論幾何日輟使復何日請子之叙我今夕
于子離席而辭曰老者敗者僚者一作也末也憂能傷人思
無可者公之所命其得人乎公曰得哉是敢操簡而進發
言有素一以論我公之講舊一以樂李公之得賢風煙不
殊南北覽間顯允崔子勗哉令聞云

送蘭舍人兼武州長史序

前人

舍人文以元昆尹京之明月始為西府連辟將展驥足於
廣西之地所以懲彼叛亂與人休息君子謂此舉也得於
治理失於屈賢譬諸汗池而集鸚鳳矣然則國家多故亭
堂似虞不為利遷可以道進所居則化我何在焉况懷姿
約之以禮兄友弟悌必因子心無終食之間違仁矧
三川之與四海云爾勉此于邁怡然告別群鸞尚轉四月
花長江一望翠嶂如畫佳興蕭目曷唯宦遊監察御史
楊公特進燕鴻臚吳公慰相宴接情言不盡諸公陪歡各
以義洽邵野人也實忝中表趨風自允渴日增勤俄然此
離如失羽翼郊坰之送惜也何言

送蘭侍御史還序

前人

河龍疑之塞秋為邊防每歲徵師郡縣強家之子能控弦
帶甲勇為人敵而應召焉行軍司馬侍御史蘭公戒茲戎
昭來閱軍實威用震罰而不及人爰興六月之師集我三
邊之事况長源自清但把朝海大厦已構尚勞持斧位寵

杜詩之選職由韓厥之寄黍彼玉帳鎮茲金方亦既勤矣
由是正風俗恤人隱刑章無煩一作無煩頌賦惟允上行下效

一作心莫不盡大鴻臚吳公國之良二千石也必先中權

交一作今載勤東道之禮金蘭用譽風味相合樂只君子會于

公堂清絃發越洋洋乎盈耳一夕三醉主人曰未也若然

者群公陪歡其有間乎秋八月鷓鴣始鳴衆芳皆歇我有

歸思整轅而西晴川浙瀝日上旌旆寒野莽蒼風入筋竿

沈肅殺以時虜騎方下元戎之師且有後命行軍欲久

得乎請言詩以寵餞薦周旋而不墜耳

文苑英華卷第七百二十三

